

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Suliassat nalinginnaasut

Imm. 02 Qeqqata Kommunianut najukkami ataatsimiititalianik pilersitsinissamut malittarisassanut siunnersuut

Imm. 03 Sisimiuni Maniitsumilu agguaqatigiissillugu sullissisup ataatsip suliai

Imm. 04 **Immikkoortoq peerneqarpoq**

Imm. 05 **Immikkoortoq peerneqarpoq**

Imm. 06 Oqaluuserisassatut siunnersuut - Maniitsumi avannamut kangimut aqqusinissamut nutaamut siunnersuut

Imm. 07 Oqaluuserisassatut siunnersuut - Qeqqata kommuniani Suliffissaaleqinerup alliartortup millissarnissaanik siunnersuut

Imm. 08 Oqaluuserisassatut siunnersuut – Imminut toquttarnermik pinaveersaartitsinissaq imaajartarnissarlu pillugit paasissutissiissut

Imm. 09 Oqaluuserisassatut siunnersuut - Eqqugaasut aliasuuteqartullu gruppeannik pilersitsisoqarnissaanik siunnersuut

Imm. 10 Oqaluuserisassatut siunnersuut - Ilaqutariinnermut ataatsimiititaliap, immikkoortortallu taagutaannik allannguinnissamut siunnersuut

Imm. 11 Arctic Circle Road aqputigalugu takornarialerinerup ineriartortinneqarnissaa

Imm. 12 Sisimiuni immikkoortut marluk sammisassaqartitsivinngortinneqarnissaat pillugu kommunip pilersaarusiortfigineqarneranut tapiliussaq nr. 41-ssatut inaarutaasumik akuersissutigineqarnera

Imm. 13 Illut eriagisassat sammineqarnerat

Imm. 14 Upalungaarsimanermit pilersaarutip akuersissutigineqarnera

Imm. 15 Ataatsimiititaliamut ilaasortassanik sinniisussanillu nutaanik qinersineq

Imm. 16 BDO-mit aqqissuussaannermik misissueqqissaarinermit inernerit tunngavigalugit aqqissuussaakkut allannguinnissamut siunnersuut

Paasissutissiissutit

Imm. 17 Atorfinnik pingasunik inuussutissarsiutigalugu ilaqutariittut paarsisartunik pilersitsinissamut qinnuteqaat konto 41, Sisimiut

- Imm. 18** **Borgmesterip aalajangiinera - Kommunalbestyrelsimit tunuarnissamik qinnuteqaat – Malene Ingemann**
- Imm. 19** **Siulittaasut nalunaarutaat**
- Imm. 20** **Tamalaat**

Ataatsimiinneq videokonference atorlugu ingerlanneqassaaq aallartissallunilu 29. maj 2019 nal.
08.30

Peqataasut:

Atassut

Anna Karen Hoffmann
Emilie Olsen
Karl Davidsen

Inuit Ataqtigiit

Sofie Dorthe R. Olsen
Juliane Enoksen
Paulus Christensen, *Axel Lund Olsen-imut sinniisussatut*

Partii Naleraq

Ulrik Lyberth, *Malene Ingemann-imut sinniisussatut*

Siumut

Malik Berthelsen
Efraim Olsen, *Evelyn Frederiksenimut sinniisussatut*
Ruth Heilmann
Gideon Lyberth
Frederik Olsen
Jakob Olsen
Karl Lyberth
Hans Frederik Olsen

Nalunaaqqarlutik peqataanningsut

Evelyn Frederiksen
Malene Ingemann
Axel Lund Olsen

**Imm. 01 Oqaluuserisassat akuersissutigineri
Aalajangiineq**

Imm. 02 Qeqqata Kommunanut najukkami ataatsimiititalianik pilersitsinissamut malittarisassanut siunnersuut

Journalnr. 01.03.49

Tunuliaqutaq

Takuuk Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 32, kommuni illoqarfinnut tamanut najukkami ataatsimiititalianik pilersitsissaaq.

Tamanna isumaqarpoq, Sisimiuni Maniitsumilu najukkamik ataatsimiititalianik pilersitsisoqassaaq. Kommunalbestyrelse najukkami ataatsimiititalianut qinersinissaq pillugu maleruagassiusaaq, aamma aalajangissavaa qanoq annertutigisumik peqatigiiffiit, matumanilu politikkikkut partiit aamma kattusseqatigiit imaluunniit allat qanoq aalajangiitigisinnaassanersut, najukkami ataatsimiititaliamut ilaasortassatut kikkut qinigassannortissallugit imaluunniit kikkut najukkami ataatsimiititaliap ataatsimiinneranut alaatsinaattutut peqataasinnaassanersut innersuutissallugit. Aqutsinermut inatsimmut oqaaseqaatini § 32-imi allassimavoq, kommunalbestyrelsi najukkami ataatsimiititalianik pilersitsissaaq aningaasanillu nammineq atorsinnaasaanik aningaasaliiffigineqassaaq, najukkami ataatsimiititaliap pisinnaatitaanini malillugu siunertanut aalajangersimasunut atorsinnaasaanik. Aammattaaq allassimavoq, najukkami ataatsimiititaliami ilaasortanut akissarsiaqartitsisoqarsinnaasoq.

Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq Borgmesterinik borgmesterillu tulliini kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat nr. 25, 30. december 2013-imeersoq pillugu Namminersorlutik Oqartussat nalunaarutaat

Pissutsit atuuttut

Qeqqata Kommunia Sisimiuni Maniitsumilu najukkami ataatsimiititaliaqanngilaq. Maniitsumili innuttaasunik suleqatigiissitaqarpoq, innuttaasut soqutigisaannik suliniutissatullu kissaataannik suliaqartuusooq. Sisimiuni Maniitsumilu najukkami ataatsimiititalianik pilersitsisoqarnissaa eqqarsaataavoq.

Kommunalbestyrelse najukkani ataatsimiititaliat sulinerannut malittarisassanik aalajangersaassaaq, taamatuttaaq imaqarniliortartussaataaneq, naatsorsuusiortussaataaneq aamma missingersuutitut tunngatillugu atugassannortitsinernik akuersissuteqartarnerit pillugit. Najukkami ataatsimiititaliannortinneqartoq kommunalbestyrelsip qinigaaffiani atuutissaaq. Najukkani ataatsimiititalianut qinigassannortittoqanngippat kommunalbestyrelse aalajangiisinnavaoq najukkani ataatsimiititaliassanut qinersisoqassanngitsoq. Kommunalbestyrelsip nakkutigissavaa najukkani ataatsimiititaliat ingerlatsinerminni malittarisassat inatsimmi matumani pisortallu ingerlatsinerannut maleruagassani allani allassimasut naapertorlugit ingerlatsinerat, tassa imaappoq ingerlatsisinnaatitaaneq, saqqummiisinnaatitaaneq, inunmut paasisutissanut inatsit il.il.

Najukkami ataatsimiititalianut Qeqqata Kommuniata malittarisassaanut siunnersuummik allaffeqarfik suliaqarnikuuvoq. Takuuk ilanngussaq 1.

Malittarissanut siunnersummik suliaqarnermi, kommunit allat najukkami ataatsimiititaliaannut malittarisassaataat allaffeqarfiup misissornikuuai. Aammattaaq Qeqqata Kommuniata aningaasaqarnermut ataatsimiititaliap suleriaasianit, kommunit aqunneqarnerat pillugu Inatsisartut Inatsisaannit, Qeqqata Kommuniata najukkami ataatsimiititaliaanut malittarisassanut siunnersuutip suliarineqarneranut aallaaviusuusooq, allaffeqarfiup isumassarsiorfiginikuuai.

Kommuneqarfik Sermersuumi Najukkani ataatsimiititaliani inuit 16-ileereersimasut Najukkami ataatsimiititaliami qinigassannortissinnaapput. Kommunit aqunneqarnerannut inatsimmi Najukkani ataatsimiititaliani kikkut ilaasortaasinnaanerannut aalajangersagaqanngilaq, tamanna malittarisassanik naammassinninnermi kommunalbestyrelsit namminneq aalajangersinnaavaat.

Malittarisassanut siunnersuusiorneq kiisalu aningaasaqarnermut ataatsimiititaliap suleriaasianit, kiisalu Kommuneqarfik Sermersuup najukkami ataatsimiititalianut suleriaasianit, tak. ilanngussaq 2, isumassarsiorneq tunuliaqutaralugu, suleriaasissamut siunnersummik aammattaaq suliaqartoqarnikuuvoq.

Najukkami ataatsimiititaliami ilaasortanut, kommunalbestyrelsimi ilaasortaangitsumut, ukiumut akissarsiasumik aalajangersimasumik kommunalbestyrelsi tunniussaqaarsinnaavoq, annerpaamik borgmesterip aningaasarsiaanit 1/12-imik. Najukkani ataatsimiititaliani ilaasortanut kommunit allat akissarsiarititaat assigalugit allaffeqarfiup siunnersuutigivaa, borgmesterip akissarsiaata 1/35 delianik akissarsiaqartitsisoqassasoq. Taanna agguataarineq kommunit allat misilittagaat tunngavigalugit pissarsiarineqarpoq.

Kommuninit allanit misilittakkat tunngavigalugit aammattaaq allaffeqarfik aningaasaqarnikkut pissutsinik allanik nammineq atugassianut siunnersuusiornikuuvoq, taanna kingusinnerusukkat takkutissaaq.

Qeqqata Kommuniata Najukkami ataatsimiititalianut siunnersuutaanik pingaarnersiuneq:

Siunertaq

- Najukkami ataatsimiititaliat, sumiiffimmi najugaqartut, peqatigiiffiit, kommunimi politikerit oqartussallu akornanni suleqatigiinneq nukittorsassallugu.

Suliassat

- Najukkami ataatsimiititaliaq kommunalbestyrelsimut, aningaasaqarnermut ataatsimiititaliamut ataatsimiititalianulluunniit ataavartunut ilaatigut siunnersortaassaaq.

- Tusarniaanermut pisussaataaffiit illup iluani tusarniaanernut, paasissutiissiisussaataanermullu pisussaaffiit illup avataani tusarniaanernut atuupput. Kulturimut, timersornermut aamma inooqataanikkut sammisanut inuiaqatigiinnut immikkut pingaaruteqaarsinnaasunut tuunngatillugu, najukkami ataatsimiititaliaq tusarniaanernut akissuteqartussaavoq.

- Najukkami ataatsimiititaliaq ataatsimiititalianut ataavartunut, kiisalu sumiiffimmut tunngassutilinnut sammisat pillugit aningaasaqarnermut ataatsimiititaliamut oqaluserisassatut siunnersuusiorsinnaavoq.

- Najukkami najugallit, peqatigiiffiit, kommunimilu politikerit oqartussallu akornanni suleqatigiinnermut kiisalu kulturimut tunngasut oqartussaaqataanermut periarfissat pingaartitallu paariinnarneqarnissaannut ineriartortinneqarnissaanullu Najukkami ataatsimiititaliami aningaasat atugassannortitatigut siuarsarneqassaput.

- Najukkami ataatsimiititaliamut aningaasanik nammineq Kommunalbestyrelsi atugassiinermigut, immikkoortumi inatsit naapertorlugu, pisussaaffimminit pisussaaitaajunnaassanngilaq.
- Maajip naannginnerani ukiumut tulliuuttumut missingersuutitut siunnersuutitit Najukkami ataatsimiititaliaq nassiuussisassaaq.
- Aningaasat nammineq atugassiaq qanoq atorneqarsimanerat uppernarsarniarlugu, Najukkami ataatsimiititaliaq qaammatit tamaasa qaammatip naannginnerani akiligassiisutitit, aningaaserivimmu karseqarnermullu ilannugussanik Qeqqata Kommuniani bogholderimut nassiuussisassaaq.
- Suliassanik ingerlatsinermi sapinngisamik sammisani, suleqatigiissitani, innuttaasunik ataatsimiisitsinermi najukkamilu ineriartortitsineq pillugu eqqartuinneri allani Najukkami ataatsimiititaliap innuttaasut akuutittassavai.
- Najukkami ataatsimiititaliamut allattaasarneq Qeqqata Kommuniani qullersaqarfiup isumagisassavaa.
- Qullersaqarfimmit siumoortumik akuersissummik pigisaqartoqarpat, Aningaasaqarnermut ataatsimiititaliamut akuerineqanngikkaluarluni, aningaasat nammineq atugassiannortitaasunit annerpaamik 40.000 koruuniusunit aningaasat atunngitsuukkat ukiullu naalernerani novembarimi aningaasat nammineq atorsinnaavai.

Qinersineq

- Qinersinissaq sapaatit akunnerinik marlunnik sioqqutsilluni saqqummiuneqarneratigut, Najukkami ataatsimiititaliamut qinersineq innuttaasunik ataatsimiisitsinermi pissaaq. Qeqqata Kommuniani aalajangersimasumik najugallit 18-iniit qummut ukiullit aammalu qinersinissaq sioqqullugu qaammatini arfinilinni najugaqarsimasut kikkulluunniit Najukkami ataatsimiititaliamut nammineq illoqarfigisami qinigassanngortissinnaapput ataasiaannarlunilu taaneqarsinnaallutik. Taasineq isertortumik ingerlanneqassaaq, allakkatigullu taasisoqassalluni.
- Najukkami ataatsimiititaliamut qinigassanngortinniarluni nalunaarneq pissaaq, qinersineq ullunik tallimanik sioqqullugu sumiiffimmi kommunip allaffianut nalunaaruteqarnikkut. Aamma pisinnaatitaaffimmik takutitsinikkut qinigassanngortinneq inerteqqutaanngilaq.
- Qinigassanngortittut akornanni tallimat inorlugit sassartoqassappat, qinersineq pissanngilaq, taamaalilluni illoqarfimmi pineqartumi najukkami ataatsimiititaliamik pilersitsisoqassanngilaq. Kisianni tallimaannaat qinigassaappata, kommunalbestyrelsimi akuerineqartussanngorlugit innersuunneqassapput.
- Qinigassanngortittut taaneqarnerpaat tallimat, najukkami ataatsimiititaliamut ilaasortanngornissaannut kommunalbestyrelsimut innersuunneqassapput. Najukkami ataatsimiititaliamut qinerneqanngitsoortut sinniisussanngortussanngorlugit kommunalbestyrelsimut innersuunneqassapput. Sinniisussanut allattorsimaffimmik borgmesteri suliaqassaaq. Aamma taasisoqassatillugu makitsinikkut taasineq aalajangerneqassaaq.
- Innersuunneqartut kommunalbestyrelsimut akuersissutigineqarneri tunngavigalugit najukkami ataatsimiititaliaq inissitsitissaaq. Taamaaliortoqassaarluni innersuussat kommunalbestyrelsimut akuersissutigineqareernerini kingusinnerpaamik ullut 21-t qaangiutsinnagit.
- Najukkami ataatsimiititaliamut qinigaaffik ukiuni sisamani sivilisussuseqarpoq, kommunalbestyrelsillu nutaap atuutilersinneqarneri tamaasa najukkami ataatsimiititaliamut ilaasortanik nutaanik toqqaasoqartassaaq.

Siulittaasumik siulittaasullu tullianik qinersineq

- Najukkami ataatsimiititaliap inissititerluni ataatsimiinnerani Najukkami ataatsimiititaliamut ilaasortat akornanni amerlanerussuteqarluni taasinikkut siulittaasoq toqqaarneqassaaq. Najukkami ataatsimiititaliami ilaasortamit utoqqaanerpaamit taasineq aqunneqassaaq. Najukkami

ataatsimiiititaliaq aammattaaq ilaasortami akornanni siulittaasup tullianik toqqassaaq, siulittaasup peqanngiffiini siulittaasuusartussamik. Sulittaasoq siulittaasulluunniit tullia Najukkami ataatsimiiititaliamit tunuassagaluarpata, Najukkami ataatsimiiititaliap qinigaaffiata sinnerani atuuttussamik nutaanik taasisoqassaaq.

Ataatsimiittarnerit

- Qaqugu, aamma nalinginnaasumik ataatsimiinnissat sumi ingerlanneqassanersut najukkami ataatsimiiititaliap nammineq aalajangissavaa. Piffissaq sumiiffillu kingusinnerpaamik ullut 14-it sioqqullugit tamanut nalunaarutigineqartassapput. Ataatsimiinnerillu tamanut ammasuupput, taamaattorli Najukkami ataatsimiiititaliap suliap qanoq issusaa tunngavigalugu pisariaqarsoriguniuk, suliaq matoqqasuni suliarineqassasoq aalajangersinnaavaa. Najukkami ataatsimiiititaliap suliaassat matoqqasumik oqaluuserineqarneranni inunnik kommunimi atorfeqartunik najuuttoqarsinnaanera akuerisinnaavaa. Taamaattorli Qullersaqarfik sulisumik peqataatitaqartoqartuaannarsinnaavoq, aamma suliat ataatsimiinnerni matoqqasuni oqaluuserineqarnerisa nalaanni.

Aalajangiisinnaassuseqarneq

- Ilaasortat marlunnik pingajorarterutaat najuutsillugit, Najukkami ataatsimiiititaliaq aalajangiisinnaassuseqarpoq.
- Najukkami ataatsimiiititaliamut ilaasortap kialuunniit kommunip susasaqarfii pillugit apeqqutit sulluunniit najukkami ataatsimiiititaliamut saqqummiussinnaavai, aammalu tamakku pillugit aalajangiinissanut siunnersuutininik saqqummiussisnaalluni.
- Najukkami ataatsimiiititaliap aalajangernerit aalajangiinernut allattaavimmut allattorneqartassapput, ataatsimeereernerillu kingorna tamatigut ilaasortat ataatsimeeqataasut atsiortassallutik.
- Ilaasortap ataatsimiinnermi peqataasimasup kialuunniit, isummani allaanerusoq aalajangiinnermi allattaavinni naatsunnguannorlugu ilannunneqassasoq piumasarisinnaavaa aammalu suliap nassiunneqarnerani nammineq isummaminut tunngavilersuutini ilanngutsissinnaavaa.
- Ataatsimiiititaliap tamatigut ataatsimiinneranit imaqarniliaq, siulittaasoq suleqatigalugu, Qullersaqarfik suliarineqartassaaq.

Akissarsiat

- Najukkami ataatsimiiititaliami ilaasortatut atuunnermi akissarsisassaq kommunalbestyrelsimit aalajangersarneqassaaq.
- Akissarsiat kommunalbestyrelsimit akigitatut aalajangiunneqartut naapertorlugit atuutsinneqartassapput. Maanna malittarisassat atuutsilersinneqarneranni akissarsiassap annertussusaa borgmesterip akissarsiaanit 1/35 deliuvoq siulittaasullu akissarsiaa borgmeterip akissarsiaanit 1/30 deliuvoq. Akissarsiassaq taamaallaat Najukkami ataatsimiiititaliami ilaasortanut atuuppoq, kommunalbestyrelsimi ilaasortaangitsumut.

Atuilluartaunissakkut kingunerisinnaasai

Innuttaasut sapinngisamik akuutinneqarnissaat oqartussaaqataanikkut, aammalu inuiaqatigiinni aalajangeeqataanissami soqutiginninnerulernissaat innuttaasullu akisussaaqataanerulernissaat atuilluartauneruvoq.

Allaffissornikkut aningaasatigullu kingunerisassat

Maniitsumi Sisimiunilu Najukkami ataatsimitalianik pilersitsinermut atatillugu, allaffissornikkut aningaasaqarnikkullu kinguneqassaaq.

Allaffissornikkut kingunissai tassaassapput, Qullersaqarfiup allatseqarfia Najukkami ataatsimiititaliamut allattaanissaa, tassunga ilanngullugit Najukkami ataatsimiititaliap ataatsimiinnerini, kiisalu innuttaasunik ataatsimiisitsinerini, tamannalu isumaqarpoq, allaffeqarfik nutaarluinnarnik suliaasaqalissasoq, tassunga ilanngullugit nutserisoqarfik.

2019-imi allaffeqarfik qanoq annertutigisumik eqqorneqassanersoq ilisimaneqanngilaq. Kommunalbestyrelsimit tusarniaanermi akissuteqarnissaq pillugu Najukkami ataatsimiititaliap qinnuigineqartarnissaa apeqqutaalluni, ukiumut ikinnerpaamik ataatsimiinnerit qulusarnissaat naatsorsuutigineqartariaqarpoq. Taakku sanatigut Najukkami ataatsimiititaliap nammineq atugassani tunngavigalugit, suliaqarnerminut ukiunut aggersunut ukiunut missingersuutitik suliaqartassaaq.

Allaffeqarfiup naliliinera

Najukkami ataatsimiititaliamik pilersitsinikkut, kommunimi aalajangiinissanut innuttaasut amerlanerusut akuutinneqarnissaat pilersinneqassaaq, taamaalilluni najukkami ilisimasanik najukkanut pissarsisoqassaaq kommunalbestyrelsillu aalajangiinerinut akuutitsisoqarluni. Allaffeqarfiup nalilerpaa, Najukkami ataatsimiititaliamut qinigaasinnaanermut ukiumut killigittassaq ataatsimiititaliat eqqartussagaat. Kommuneqarfik Sermersuumi inuit 16-iniit qummut ukioqaleersimasut Najukkami ataatsimiititaliamut qinigaasinaapput.

Kommuneqarfik Sermersooq assigalugu allaffeqarfik nalilivoq, novembarimi ukiup naalernerani najukkami ataatsimiititaliap aningaasanik atunngitsuugaqarsimaguni, aammalu Qullersaqarfiup allatseqarfianit siumut akuerineqarsimatilluni, aningaasaqarnermut ataatsimiititaliamit akuerineqaqaanngikkaluarluni, najukkami ataatsimiititaliap nammineq atugassatut amerlanerpaamik 40.000 korusunit atorsinnaagai.

Ilaqutariinnut Isumaginninnermullu ataatsimiititaliap suliamik suliarinninnera

Ilaqutariinnut Isumaginninnermullu ataatsimiititaliap suliaq ulloq apriliip 17-at 2019 suliaraa innersuussutigineqartullu akuersissutigalugit annertunerusumik oqaaseqaateqarani.

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap suliamik suliarinninnera

Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap suliaq ulloq maajip arfernat 2019 suliaraa innersuussutigineqartullu akuersissutigalugit annertunerusumik oqaaseqaateqarani.

Teknikkeqarnermut, Aatsitassasiornermut Avatangiisinullu ataatsimiititaliap suliamik suliarinninnera

Teknikkeqarnermut, Aatsitassasiornermut Avatangiisinullu ataatsimiititaliap suliaq ulloq maajip arfineq aappaat 2019 suliaraa innersuussutigineqartullu akuersissutigalugit annertunerusumik oqaaseqaateqarani.

Allaffeqarfiup innersuussutaa

Innersuussutigineqarpoq Aningaasaqarnermut Ataatsimiititaliap eqqartussagaat:

1. Sisimiuni arfineq-marlunnik Maniitsumilu tallimanik ilaasortalimmik, Sisimiuni Maniitsumilu Najukkami ataatsimiititaliamik pilersitsisoqassasoq
2. ataatsimiititaliat ataavartut saniatigut suliaasanut tunngatillugu najukkami ataatsimiititaliap sunik suliaqassanersoq paasiniarneqassasoq

3. suliaq Kommunalbestyrelse-mut ingerlateqqinneqassasoq oqaluuserisassanngorlugu akuersissutigisassanngorlugulu

Aningaasaqarnermut Ataatsimiititaliap suliamik suliarinninnera

Ataatsimiititaliap 21. maj 2019 ataatsimiinnermini innersuussutit akuersissutigivai.

Innersuussut

Aningaasaqarnermut Ataatsimiititaliap Kommunalbestyrelsimut innersuussutigivai,

1. Sisimiuni arfineq-marlunnik Maniitsumilu tallimanik ilaasortalimmik, Sisimiuni Maniitsumilu Najukkami ataatsimiititalianik pilersitsisoqassasoq
2. ataatsimiititaliat ataavartut saniatigut suliassanut tunngatillugu najukkami ataatsimiititaliaq sunik suliaqassanersoq paasiniarneqassasoq

Aalajangiineq

Ilanngussat

1. Qeqqata Kommuniani Najukkami ataatsimiititaliamut malittarisassatut siunnersuut
2. Qeqqata Kommuniani Najukkami ataatsimiititaliamut suleriesissatut siunnersuut
3. Qeqqata Kommuniani kommunip susasaqarfiisa ingerlanneqarneri pillugit ileqqoreqqusaq

Imm. 03 Sisimiuni Maniitsumilu agguaqatigiissillugu sullissisup ataatsip suliai

Journalnr. 02.01.00

Tunuliaqutaq

Ilaqutariinnermut Isumaginninnermullu ataatsimiititaliap 2018-imi aprilip 11-ani ataatsimiinnerani immikkoortortoq Tamalaani, Ilaqutariinnermut Immikkoortortami suliat, suliallu pillugit killiffimmik ilisimatinneqarnissani Ruth Heilmann-ip kissaatigivaa.

Maleruagassatigut tunngavissat:

Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq.

Pissutsit atuuttut

Sisimiuni Maniitsumi suliassat amerlassusaat assigiinngillat. Suliat amerlassusissaannut missingersuutaasoq Maniitsumi immikkoortortaqaqfinni tamani malinneqarpoq, Sisimiunilu meeqqanut inuusuttunullu immikkoortortaqaqfinni sullissisup ataatsip agguaqatigiissillugu qaffasingaatsiartumik suliat 98,7 sularisarmagit taanna eqqaassanngikkaanni, suliat amerlassusissaannut missingersuutaasoq immikkoortortaqaqfinni malinneqarluni. Manitsumi agguaqatigiissinnera 28,2-juvoq. Maniitsumi immikkoortortaqaqfinni suliat amerlassusii Sisimiunut nallersuutissagaanni, Sisimiuni suliassat amerlanerujussuupput.

	Suliat amerlassusii
Ikorsiissutit tamarmik, Maniitsoq / Sisimiut	129 / 107
Ikorsiissutit, Maniitsoq, sullissisumut ataatsimut suliat amerlassusii	43
Ikorsiissutit, Sisimiut, sullissisumut ataatsimut suliat amerlassusii	53,5
Innarluutillit tamarmik, Maniitsoq / Sisimiut	112 / 146
Innarluutillit, Maniitsoq, sullissisumut ataatsimut suliat amerlassusii	56
Innarluutillit, Sisimiut, sullissisumut ataatsimut suliat amerlassusii	73
Ilaqutariit paarsisartut tamarmik, Maniitsoq / Sisimiut	20 / 39
Ilaqutariit paarsisartut, Maniitsoq, sullissisumut ataatsimut suliat amerlassusii	20
Ilaqutariit paarsisartut, Sisimiut, sullissisumut ataatsimut suliat amerlassusii	39
Meeqqat inuusuttullu tamarmik, Maniitsoq / Sisimiut	141 / 296
Meeqqat inuusuttullu, Maniitsoq, sullissisumut ataatsimut suliat amerlassusii	28,2
Meeqqat inuusuttullu, Sisimiut, sullissisumut ataatsimut suliat amerlassusii	98,7
Utoqqaat tamarmik, Maniitsoq / Sisimiut	29 / 136
Utoqqaat, Maniitsoq, sullissisumut ataatsimut suliat amerlassusii	14,5
Utoqqaat, Sisimiut, sullissisumut ataatsimut suliat amerlassusii	68

Arlallit oqaatigaat, sullissisup ataatsip suliassaasa amerlavallaarnerat eqaatsumik sulinissaraluamut, pitsaassutsillu appariartuinnarneranut patsisaasoq. Taamaattumik sullissisup ataatsip suliassai annikillisinnaarlugit, suliassat amerlavallaarnerat iliuuseqarfigineqarluni, suliassat agguataarneqarnissaannut periusissamik ujartuisoqartariaqarpoq.

Sisimiuni Maniitsumilu meeqqanut inuusuttunullu immikkoortortaqaqarfinni suliassat nikinganerujussuannut, ilaatigut Sisimiuni meeqqanut inuusuttunullu suliat 296-iunerat, Maniitsumilu 141-nerat, Maniitsumut sanilliullugu Sisimiuni innuttaasut marloriaammik amerlanerugaluartut illoqarfinni sullissisut amerlassutsimikkut assigiinnerat, Sisimiunilu atorfiit pingasut inuttaqannginnerat patsisaapput.

Taamaattumik Sisimiuni meeqqanut inuusuttunullu immikkoortortaqaqarfinni sullissisunik amerlanersumik pisariaqartitsisorujussuupput. Sullissisup ataatsip agguaqatigiissillugu suliassai missingersorlugit 25-35-unissaat malinneqassappat, sullissisut marloriaataasut amigaatigineqarput, imaappoq, meeqqanut inuusuttunullu sullissisut ullumikkut tallimaasut qulinngortinneqartariaqarput. Sisimiuni meeqqanut inuusuttunullu sullissisut quliugaluarpata, agguaqatigiissillugu sullissisup suliat 29,6-t suliassarissavai.

Herningimi sullissisut amerlinerisigut, suliat amerlassusaat appariartissimavaat. Meeqqanut inuusuttunullu sullissisut agguaqatigiissillugu suliassa 24-upput. Qeqqata Model-ip atuutsilersinneqarnera kissaatigineqartumik kinguneqassappat nalilerneqarpoq, Sisimiuni meeqqanut inuusuttunullu immikkoortortaqaqarfinni sullissisut amerlineqassasut.

Atuilluartuunissakkut kingunerisinnaasai

Siusissumik suliniuteqartarneq nukittorsarniarlugu, tassuunakkullu Herningimi sullissisunik amerlanerusumik atorfinitsitsinikkut angerlarsimaffiup avataanut inissiinerit ikilisillugit misilittakkat malinniarlugit, Sisimiuni meeqqanut inuusuttunullu immikkoortortaqaqarfinni sullissisut amerlineqarpata atuilluartuunerussaap.

Aningaasaqarnikkut allaffissornikkullu kingunerisinnaasai

Nalunaarusiami innersuussutit malinneqarpata, Sisimiuni meeqqanut inuusuttunullu immikkoortortaqaqarfinni sullissisut amerlineqartariaqarput, tamannalu aningaasaqarnikkut kinguneqassalluni.

Allaffeqarfiup naliliinera

Ilaqutariinnermut Immikkoortortap nalilerpaa, Sisimiuni meeqqanut inuusuttunullu immikkoortortaqaqarfinni sullissisut amerlanerusut pisariaqartinneqartorujussuusut, taamaattumillu sullissisunik amerlanerusunik atorfinitsitsisoqartariaqartoq, tamatumalu saniatigut Ilaqutariinnermut Immikkoortortami atorfininnissaq soqutiginarsarnerusariaqartoq.

Allaffeqarfiup innersuussutaa

Ilaqutariinnermut Immikkoortortap Ilaqutariinnermut Isumaginninnermullu ataatsimiititaliamut innersuussutigaa,

- nalunaarusiami inerniliinerit innersuussutillu eqqartorneqassasut

Ilaqtariinnermut Isumaginninnermullu ataatsimiititaliap suliamik suliarinninnera

Ilaqtariinnermut Isumaginninnermullu Ataatsimiititaliap 17. april 2019 ataatsimiinnermini aalajangiuppaa,

Ilaqtariinnermut Isumaginninnermullu Ataatsimiititaliap innersuussutigivaa illoqarfinni innuttaasut amerlassusaat aallaavigalugu Ilaqtariinnermut immikkoortortaqaarfimmu aningaasaaliissuteqartarneq Kommunalbestyrelse-mi eqqartugassanngorlugu ingerlateqqinneqassasoq inunnik isumaginninnermi sullissisut amerlassusiisa takutimmassuk qanoq iluuseqartoqarnissaanik.

Ilaqtariinnermut isumaginninnermullu ataatsimiititaliap suliamik suliarinninnerata kingorna

Sullissisunut suliat aalajangersimasumik amerlassusillit agguataarneqarnikut eqqarsaatigalugit paasinninnissaq ersarissarniarlugu, eqitsit 1-imi suliat aalajangersimasumik amerlassusillit sulisut amerlassusiinut agguataarnertalimmik kolonnimik ilanngussisoqarnikuvoq. (qup. 2 ilanngussaq 1-imi)

Sisimiuni atorfiit tamarmik inuttaqaraluarpata sullissisumut ataatsimut suliat 49,3-iussagaluarpud.

Naqqiissut: Sisimiuni meeqqanut inuusuttuaqqanullu sullissisut arfinilinnut amerlassusiligaappud, Maniitsumi tallimaallutik. Angerlarsimaffimmi angajoqqaarsianut sullissisut ilanngunnagit.

Immikkoortortami aqutsisut sulisut amerlassusiligaanerinut ilannguteqqanngillat, toqqaannartumik cpr.nr-ikkaarlugit sullitaqarneq ajormata.

Eqitsit 1: Suliat aalajangersimasumik amerlassusillit Sisimiuni Maniitsumilu sullissisunut immikkoortortanullu 2019-imi februaarip aallaqqaataa aallarnerfigalugu agguataarneri.

SISIMIUT	Suliat amerlassusii	Atorfinnut agguataarlugit suliat amerlassusii	MANITSOQ	Suliat amerlassusii	Atorfinnut agguataarlugit suliat amerlassusii
Meeqqanut inuusuttunullu, NN	108	49,3	Meeqqanut inuusuttunullu, NN	31	28,2
Meeqqanut inuusuttunullu, NN	99	49,3	Meeqqanut inuusuttunullu, NN	31	28,2
Meeqqanut inuusuttunullu, NN	89	49,3	Meeqqanut inuusuttunullu, NN	24	28,2
Meeqqanut inuusuttunullu, atorfik inuttaqanngitsoq	0	49,3	Meeqqanut inuusuttunullu, NN	24	28,2
Meeqqanut inuusuttunullu, atorfik inuttaqanngitsoq	0	49,3	Meeqqanut inuusuttunullu, NN	31	28,2
Meeqqanut inuusuttunullu, atorfik inuttaqanngitsoq	0	49,3			

Ilanngussami 1-imi eqitsit tamakkiisoq takuneqarsinaavoq.

Innersuut

Ilaqutariinnermut Isumaginninnermullu ataatsimiititaliap Kommunalbestyrelsimut innersuusutigivaa akuereqqullugu,

-illoqarfinni innuttaasut amerlassusaat aallaavigalugu Ilaqutariinnermut immikkoortortaqarfimmut aningaasaaliissuteqartarneq eqqartorneqassasoq inunnik isumaginninnermi sullissisut amerlassusiisa takutimmassuk qanoq iluuseqartoqarnissa**anik**

Aalajangiineq

Ilanngussaq

1. Qeqqata Kommuniani suliat amerlassusaat, sullissisullu ataatsip suliai pillugit nalunaarusiaq

Imm. 04 Immikkoortoq peerneqarpoq

Imm. 05 Immikkoortoq peerneqarpoq

**Imm. 06 Oqaluuserisassatut siunnersuut - Maniitsumi avannamut kangimut
aqqusinissamut nutaamut siunnersuut**

Journal nr. 17.02

Tunuliaqutaq

Alcoa suliniutaanut atatillugu Maniitsumi illoqarfiup nutaartassaatur isigineqarnikuusumut, Iliveqarfiup kangerliumaneraniit avannamut kangimut aqqusinermik nutaamik pilersitsisoqassasoq, kommunalbestyrelsimi ilaasortaqaq Ruth Heilmann siunnersuuteqarpoq.

Maleruagassatigut tunngavigisaq

Sanaartorfigissaanermut suliaassanut nammatassanullu nutaanut Isumaqaatigiissut 1998-imi januaarip aallaqqaataaneersoq naapertorlugu, nutaamik nunamik pilersitsinermut aqqusinniorneq Namminersorlutik Oqartussat suliaasaqarfigivaat.

Pissutsit atuuttut

Sanaartorfigissaanermut isumaqaatigiissutip aalajangersarppaa, sanaartorfigissaanermut atatillugu innaallagissamut, imermut avataaniillu kiassanermut aningaasartuutit Nukissiorfinnit akilerneqartassasut, telep atortulersuutaanut aningaasartuutit TelePost-imit akilerneqartassasut kiisalu aqqusinernut kuuffissuarnullu aningaasartuutit kommuninit akilerneqartassasut. Maniitsumi illoqarfiup nutaartassaa pineqartumi, illoqarfiit nutaartaannik ilanngutsitsineq ilaatinneqanngillat. Uani Namminersorlutik Oqartussat akisussaaffigivaat, aningaasaqarnermut inatsimmi suliaasaq immikkut ilanngunneqartussaalluni.

2020-mi Aningaasanut inatsisissamut aqqusineq kommunip sanaartugassatut kissaataanut ilanngunneqarnikuuvoq. Taamaattorli paasineqartariaqarpoq, mittarfinnik nutaanik annertuumik aningaasaliinissamik pilersaarutaasut malitsigigunagaanik, siusinnerusumut sanilliullugu 2019-imi Aningaasanut inatsimmi Namminersorlutik Oqartussat kommuninut sanaartugassanut aningaasaliissutigisartagaat annertuumik appartinneqarnikuummata. Taamaattumik ukiuni qaninnerni Maniitsumi aqqusinernut nutaanut Namminersorlutik Oqartussat aningaasaliisinnanissaat ilimanarpallaanngilaq, taamaalilluni kissaatigisaq pilersinneqassappat, kommuni nammineq akiliisariaqassalluni.

Atuilluatuunissakkut kingunerisinnaasai

Sanaartorfigissaanissamik pisariaqartumik suliaqarnikkut illoqarfimmut ineriartortitsinissamut eqqarsaateqarnissaq atuilluatuuneruvoq.

Aningaasaqarnikkut allaffissornikkullu kingunerisinnaasai

Iliveqarfiup kangerliumanertaanit illoqarfittaassap nutaap tungaanut aqqusineq 1,2 km-imut suliniummut siunnersuummik kommuni 2017-imi suliaqartitsinikuuvoq. Aqqusinermut missiliuut C 18,4 mio. koruuninut naatsorsorneqarpoq. Aningaasartuutit ukiunut missingersuuteqarfinnut marlunnut pingasunut agguataarneqarsinnaapput.

Allaffeqarfiup naliliinera

Avannamut kangimut aqqusineq Maniitsumi illoqarfimmi ineriartortitsinermi periarfissanik nutaanik arlalinnik ammaassaaq. Maanna illoqarfiup killeqarfiata iluani periarfissat annertuumik killeqaleriartorput, ilaatigut iliveqarfik sanaartorfimmik ataasiinnarmik ilaneqarsinnaavoq, taamaalilluni aammattaaq iliveqarfissamut nutaamut inissamik nassaarniartogartussaalluni. Maanna

illoqarfiup iluani aammattaaq ilaqtariinnut ataatsinut sanaartorfissat pillugit kissaatit naammassineqarnissaat ajornakusoortorujussuuvoq.

Innersuussut

Kommunalbestyrelsimut innersuussutigineqarpoq, Maniitsumi avannamut kangimut aqqusinermik nutaamik pilersitsinissaq 2020-mut missingersuutit suliarineqarnissaanni ilanngunneqassasoq.

Aalajangiineq

Ilanngussat

1. Ruth Heilmann mailerutaa
2. Nunap assinga takussutissaq

Imm. 07 Oqaluuserisassatut siunnersuut - Qeqqata kommuniani suliffissaaleqinerup alliertortup millissarnissaanik siunnersuut

Journalnr.: 67.05.00

Tunuliaqutaq

Komunalbestyrelsimi ilaasortaq Ruth Heilmann 5. Maj 2019 email-ikkut nassiussivoq Qeqqata Kommuniani suliffissaaleqinerup alliertortup millissarnissaanik siunnersuummik.

2009-mi Sisimiuni 130. Maniitsumi 139

2019-mi Sisimiuni 212. Maniitsumi 184

Oqartoqartaraluartoq suliffissaaleqisut ullumikkut ikileriaateqartut, kisianni kisitsisit qiviaraanni nammineq oqaluttuarput taamaattoqanngitsoq. Taamaattumik suliffissaaleqisut annertuumik piviusorsioortumik ikilisinneqarnissaannik eqqartuuarneq.

Kisitsisit qiviaraanni ikiorsiissutigut atukkat taamaalilluni ukiuni kingullerni annertuneruleriartorsimassaqaat, tassami ineqarnikkut inuusutissaqarnissaannillu tuniunikkut kommunimit tamakku isumagineqartarmata aamma.

Iniminnik anisitaasartummitaava ilaqutariit aamma qassiuppat? Angerlarsimaffeqanngitsullumi aamma suliffissaaleqisut peqqutaava imaluunniit peqqutit suuppat?

Kingullermik kommunimi ataatsimiinnermi eqqaaneqartut ilagaat sooq A/S INI aatsaat akiligassat annertusigaangata kommunimut ikiueqqusineramik nalunaaruteqartarnera assut ajuusaarnartuusoq.

Amerlanertigut pisarluni najugaqartoq ajornartuukkaangat aatsaat tamanna pisarluni uffa siusinnerusukkat akiligassat unaminartutillugit nalunaaruteqarunik uffa ilaqutariit inertik tigummiinnarsinnaagaluaaraat artukkiineq utaqqinagu.

Iliuseqajaarnikkut aamma suliffissaaleqisut suliffissaqartinniarnissaa taamaalilluni aamma suliffissaaleqisut ineqarnissaannik immaqqa pikkorissaanikkut ilinniaqqinnissaanilluunniit ikiorneqarneratigut.

Soorunami sorpassuit oqaluuseralugit tikinneqarsinnaapput. Aamma kangiamiunik tikisitsuarneq immi suliffissaaleqisut ajunngikkaluartoq kisianni suliffis-saaleqisut nunaqavissut amerliartortillugit taakkua isumalluutigiinnarsinnaanngilagut, taanna ersarippoq nunaqqataasuni nukiit pivut qanoruna iliuseqarfiginiarivut sulisin-naanngortillugit aalajaatsut oiumassuseqartullu siunissami pigilerniassagatsigik.

Ruth Heilmann isumaqarpoq suliffissaaleqineq pillugu annertuumik pilersaarusiortariaqartugut, susasaqartuusugut tamatta siunnersuutissaqartullu tamaasa peqatigalugit.

Innersuussut

Innersuussutigineqarpoq kommunalbestyrelsip oqaluuserisaagaa taavalu Inuusutissarsiuutinut Takornariaqarnermullu ataatsimiititaliamut ingerlateqqillugu.

Aalajangiineq

Ilanngussaq

1. Ruth Heilmann-ip emailia 5. maj 2019 ulloqartoq

Imm. 08 Oqaluuserisassatut siunnersuut - Imminut toquttarnermik pinaveersaartitsinissaq imaajartarnissarlu pillugit paasissutissiissut

Journalnr: 02.01.00

Tunuliaqutaq

Ilaqutariinnermut immikkoortortaq 2019-imi marsip 29-ani Gideon Lyberth-imit mailimik tigusaqarpoq, tassani Maniitsumi livslinje-mi pikkorissarnermi peqataasunit tamanit allanneqarsimasunik 2018-imi novembarip 28-anit allakkiami saqqummiunneqarsimasuni, siunnersuutaasimasut eqqaamaneqarnissaat pillugit kissaateqarluni.

Maleruagassatigut tunngavigisaq:

Pisortat ingerlatsineranni suliaasat suliarineqartarnerat pillugu Inatsisartut inatsisaat nr. 8, 13. juni 1994-imeersoq

Pissutsit atuuttut

2018-imi novembarimi Maniitsumi Sisimiunilu imminut toquttarneq pillugu livslinjemik pikkorissaasoqarpoq. Sisimiuni Maniitsumilu peqataasut 42 aamma 36-nik amerlassuseqarput. Malitsigisaanik livslinje-gruppe ataatsimiittarnikuuvoq, tamaattorli suliaasat nukingernarusut allat patsisaallutik Maniitsumit takkuttartut killeqarnikuupput.

Imminut toquttarneq pinaveersaartinniarlugu sulineq, periuseq Thinkinuk atorlugu pikkorissarnikkut ingerlateqqinneqassasoq pilersaarutaagaluarpoq. Tamanna Maniitsumi sapaatip akunnera 19-imi Sisimiunilu sapaatit akunnerini 20-mi 21-milu ingerlanneqarnissaat pilersaarutaagaluarpoq. Napparsimasoqarnerali patsisaalluni pikkorissarnissatut pilersaarutaagaluit ajoraluartumik taamaatiinnarneqarput, tamatumalu inernerivaa, pikkorissarnissat 2019-imi ukiaaneranut kinguartinneqarnerat. Taamaattorli isumaqatigiissutigivarput, periuusermik Thinkinuk-mik ilisarititsiniarluni juunip arfernerani arfineq-aappaanilu tikeraalaartoqassasoq, tassani imminut toquttarnermik pinaveersaartitsilluni sulinissamut Sisimiuni ilaqutariinnik kiffartuussivik kiiisalu livslinje-gruppe oqaloqatigiissallutik imminullu immersoqatigiissallutik.

Sisimiuni Politiit naapertorlugit, 2019-imi Qeqqata Kommuniani imminut toquttut arfineq-marluk nalunaarsorneqarsimapput. Sisimiuni sisamat, Kangerlussuarmi marluk Atammimmilu ataaseq.

Sisimiuni ilaqutariinnik kiffartuussivimmit sulisut Kangerlussuarmiinnikuupput innuttaasunillu ataatsimiisitsillutik aammalu innuttaasunik eqqugaasunik oqaloqateqarlutik kiiisalu eqqarsartaatsikkut ikiueqqaarlutik. Sisimiuni innuttaasut eqqugaasut aammattaq eqqarsartaatsikkut ikiuiguarnermik tigusaqarnikuupput.

Ilaqutariinnik kiffartuussivimmi sulisut Kangerlussuarmukaqqissasut malitseqartitsillunilu ataatsimiisitsisoqassasoq pilersaarutaavoq. Kangerlussuarmi livslinje-mi pikkorissarnermi peqataanikuusumik pitsaaliuineramik siunnersortimik atorfeqartitsisoqarpoq, tamatumalu imminut toqunnissamik pissusilersortoqarnera imminut toqunnissamullu pinaveersaartitsineq pillugu oqaloqatigiinnernik oqimaatsunik ingerlatsinissamut sakkusaqarluni. Kangerlussuarmi innuttaasunik sullissivimmi aqutsisumit utertitsilluni nalunaarutigaa, ilaqutariinnik kiffartuussivimmi sulisunit tikeraarneqarnek nunaqarfimmut annertuumik iluaqutaasimasoq.

Atammimmi imminut toquttoqarneranut atatillugu ilaqutaasunik eqqugaasunik oqaloqatiginnittoqarnissamat, Maniitsumit sullissisunik Atammimmukartitsisoqarpoq. Sullissut tamarmik livlinje-mik pikkorissaqataani kuupput, taamaattumillu suliasaminnut sakkussaqaareerlutik.

Sisimiuni Amerloq-mi sisamangornermi maajip 16-ani innuttaasunik ataatsimiisitsisoqarpoq, saqqummiinermik, eqimattakkaarluni suleqatigiinnermik oqallinnermillu imaqartumik. Imminut toquttarnermik pinaveersaartitsinermit ikiuukkusuttunik, Sisimiuni innuttaasunit amerlasuunik takkuttoqarpoq. Livlinje-mik gruppe aqqissuisuuvoq suleqqinnissamullu isumassarsianik paasissutissanillu pitsaasunik pissarsisoqarluni. Ataatsimiinnermit inassuteqaatit periusissiami suliaqarnissami qanoq akuutinneqarnissaanut ataatsimiinnermi malitseqartitsisoqarpoq.

Innuttaasut imminut toqunnissamat navianartorsiortunut kommuni ilisimasaqaleruni, ingerlaannartumik qisuariartoqartarpoq innuttaasorlu oqaloqatigineqarnissaanut aggersarneqarluni. Livlinje-gruppe aammattaaq Sarfannguniinnikuuvoq.

Maannakkutut itsillugu kommunimi sulisuusut tamarmik qaninnertut pisortarisaminnut saaffiginnikkut imaajarneqarnissamik neqeroorfigineqarnissamik periarfissaqartinneqarput. Neqeroorulli taanna aalajangersagaangilaq ingerlaavartuunanilu, tamannalu siunissami pitsaanerulersinneqarsinnaavoq.

Imajaaffigineqarnissaq pillugu neqeroorut sulisunut ataasiakkaanut ersarissarneqarnikuunngilaq, tamatumalu kingunerivaa, sulisut amerlasuut periarfissamat tassunga ilisimasaqannginnerat. Oqimaatsunik artornartunillu suliaqarfimmik suliaqartunut sulisut imaajarnissamat periarfissaq pillugu paasissutissiivigisarneratigut, siunissami tamanna pitsaanerulersinni arparput.

Atuilluartuunissakkut kingunerisinnaasai

Kommunimi suliamik suliaqartut ilungersunartumik artornartumillu sulinermi inissisimasarmata, sulisinnaassuseqaannarsinnaaqqullugit kiisalu innuttaanut pitsaanerpaamik sullissisinnaaqqullugit, aalajangersakkamik ataavartumillu ilisimasalimmit imaajarneqartartuuppata, tamanna atuilluartuunerussaq.

Aningaasaqarnikkut allaffissornikkullu kingunerisinnaasai

Siunissami sulisut amerlanerusut imaajaaffigineqartassappata, Ilaqutariinnermut immikkoortortami aningaasartuuteqarnerunermik kinguneqassaaq. Ungasinnerusoq isigalugu aningaasaliineruvoq pitsaasoq, sulisut amerlanerusut ingerlalluarnerulissammata, aammalu innuttaasut ikiorneqarnissamik pisariaqartitaannik tunniussinissamat sakkussaqaarnerussallutik.

Allaffeqarfiup naliliinera

Ilaqutariinnermut immikkoortortap nalilerpaa, imaajaaffigineqarnissamat pisariaqartitsineq annertusoq, imaajaaffigineqarsinnaanerlu pillugu neqeroorut siunissami ersarinnerulersissavarput, kiisalu kommunimi sulisuusunut tamanut aalajangersakkamik ataavartumillu ilisimasalimmik imaajaaffigineqartarnissamat periusissiussalluta.

Innersuussut

Allaffeqarfiup Kommunalbestyrelsimut innersuussutigivaa akuereqqullugu,

-paasissutissiissut tusaatissatut tiguneqassasoq

Aalajangiineq

Ilanngussat

1: Maniitsumi pikkorissartunit allakkiaq 2018-imi novembarip 28-ani ullulerneqartoq

Imm. 09 Oqaluuserisassatut siunnersuut - Eqqugaasut aliasuuteqartullu gruppeannik pilersitsisoqarnissaanik siunnersuut

Journalnr.: 40.16

Tunuliaqutaq

Komunalbestyrelsimi ilaasortaq Ruth Heilmann 5. maj 2019 email-ikkut nassiussivoq eqqugaasut aliasuuteqartullu gruppeannik pilersitsisoqarnissaanik siunnersuut.

Imaassinnaavoq ingerlasoqareeraluartoq familiecenterikkoorlugu. Taamaattoqareerpat paasissutiginnissaa pisariaqartippara nalunaarusiornikkut.

Kisiannili taamatut ingerlasoqangippat kikkulluunniit aliasuutinik nalaataqartut tarnimikkut artorsaateqartut toqukkulluunniillu annaasaqartut aamma eqqarsaatigalugit meeraappata inuusuttuuppata utoqqarnulluunniillu ilaappata pisariaqartinneqarnissaa takorloortarakku periarfissaqartitsisoqarnissaa qaammammulluunniit ataasiarluni orniguffeqarsinnaanermik ataatsimooqatigiinnermillu periarfissiisoqarnissaanik takorluuvunga.

Suut tamarmik katsorsarneqarsinnaanngikkaluartut oqaloqatigiinnikkut atukkatigullu paarlaasseqatigiinnikkut tusarnaarneqarnikkullu oqilisitsisarmata atukkatigullu kisimiinnginnermik misigititsinermik malitseqartitsisassaaq taamaalilluni susassareqatigiinneq ,ikioqatigiinneq ,nunaqqatigiittullu ilisarimanerulernermik kinguneqartitsisussaagami ikinngutigiinnermillu aamma pilersoqarsinnaalluni.

Tamannalu nunaqqatigiittut immitsinnut qaninnerulersitsisinnaasumik iliuseqarnerus-saaq oqilisaataallunilu.

Pissutsit atuuttut

Ilaqutariinnikkut kiffartuussivimmi pisortaq imatut nassuiaateqarpoq:

Sisimiuni familiecenterimi maj qaammataa 2015-imi toqukkut annaasaqarsimasut qaangiiniarnerini ikorfartoqatigiinnik pisariaqartitsineq najoqqutaralugu aallartinneqarnikuuvoq.

Ikorfartoqatigiit sapaatip akunnera allortarlugu akunnerni marlunni unnummi aalajangersimasumi aaqqissuulluakkamik naapisinneqartarput, peqataasinnaasut amerlanerpaamik aqqaneq marluusinnaallutik. Ikorfartoqatigiinni ingerlatsisut marluuvugut, tarnikkut ikiueqqaartarnermi pikkorissarsimasuulluta, ukiorpaalunnilu uanga toqukkut annaasaqarsimasuni sullissereernikuuvunga misilittagaqareernikuullungalu.

Peqataarusuttunik sullitarilikkatta akornanni neqerooruteqartarput aammalu Silleq aamma radio aqutigalugit (takuuk kakkigussaq) peqataasussarsiortarluta. Naapittarnerit ukiuni siullerni marlunni akunnerit 20-unikuupput, 2018-imi naapittarnerit akunnerit qulinngortippagut naammagineqarmata aamma sivisuallaarami akunnerit 20-t atussallugit, naak iluaqutigineqarluaraluartoq.

Naapisinneqartarnerit pilersaaruserluugaapput, sinaakkuteqartitsineq, nipangiussisussaataitanermut atsiortitsinerit, kina toqukkut annaasimanerlugu peqataanermik ilisaritsineq, qisuariaatit assigiinngitsut aqusaarneqarsinnaasut, angerlarluni naapinnermiluunniit suliassaqartitsinerit assigiinngitsut ingerlanneqartarput, soorlu titartaasitsinerit, allagaqartitsinerit, avitseqatigiinnerit,

itisuumik eqqarsartitsinerit, iperaasitsineq, peqataasut avitseqatigiittarnerat naggataatigullu toqkkut annaasimasaq pillugu nalliuttorsiortitsineq – iliveqarfimmut naneruummik ikitsiartortarneq ilerrullu ilisaritinnera, kingornalu kaffisoqatigiinneq.

Aallartimmatali inuit katillugit 45-t peqataanikuupput.

Innersuusut

Innersuussutigineqarpoq suliaq kommunalbestyrelsis oqaluuserisaagaa taavalu Ilaqautariinnermut Isumaginninnermullu ataatsimiititaliamut ingerlateqqinneqassasoq.

Aalajangiineq

Ilanngussaq

1. Ruth Heilmann-ip emailia ulloqartoq 5. maj 2019
2. Toqkkut annaasaqarsimasunut ikorfartuineq qaangiiniarnermillu neqerooruteqarneq

Imm. 10 Oqaluuserisassatut siunnersuut - Ilaqutariinnermut ataatsimiititaliap, immikkoortortallu taagutaannik allannguissamut siunnersuut

Journalnr. 01.02.03

Tunuliaqutaq

Ilaqutariinnermut Isumaginninnermullu ataatsimiititaliami tullissaani ataatsimiittoqarnissaanut Kommunalbestyrelsimi ilaasortaq Malene Ingemann 2019-imi maajip pingajuani maileruteqarluni siunnersuuteqarpoq tullinnguuttumik mailerluni:

"Qeqqata Kommuniani Ilaqutariinnermut Immikkoortortap/Ilaqutariinnermut Isumaginninnermullu ataatsimiititaliap/immikkoortortap taaguutaasa tulliuuttut allanngortinneqarnissaat matumuuna siunnersuutigaara: Pitsaasumik inuuneqarneq - inuuneq naatserlugu - ataatsimiititaliaq/immikkoortortaq.

Isumaqarpunga inuunermik "allannguisinnaatitaanani" pisortanit ikiorneqanngitsoorsinnaanermut, "isumaginninnermi ataatsimiititaliaq" pitsaanngitsumik inuuneqarnermut atasoq.

Ataatsimiititaliarput immikkoortortarpullu pitsasumik tusarnersumillu nutaamik taaguutitaaraluarpata, innuttaasut Qeqqata Kommunianut saaffiginnittut utaqqisarfirmiinnerminni, Kommuniliarnerminnilu pitsaasumik eqqarsartassagaluarput, minnerunngitsumik (taaguutaa nutaaq) eqqarsaatigisassavaat, taamaalillunilu inuunerissaalernissamut alloriarnissamut akisussaaqataalissagaluarput, akisussaafilli innuttaasumiittoq, anguniagarlu angussagaanni akisussaaffimmik tigusisoqassasoq, taamaalillunilu inuunerissaarnissamut anguniagassaq angujuminarnerulissalluni.

Taamaattumik positivimik tusarnersumillu taaguuteqalerpat, positivimik alloriarneq nutaaq alloriassutigineqassagaluarpoq. Anguniagaqarani sivisuumik artorsareersimalluni Isumaginnittoqarfik kajumissuseqanngitsutut, negativimik, tunniutiinnarsimasutullu nipeqarluni negativimik eqqarsalersitsisarpoq.

Tassanngaanniit Pitsaasumik inuuneqarneq - inuuneq naatserlugu - ataatsimiititaliaq/immikkoortortaq imarisamigut ajornannginnerusumik ataavartumik siuariartorsinnaalissaaq, pissutsinillu iluarsijunnannngitsunik ikiuisarnerup qimakkartuaarnissaannut sulisoqalerluni, innuttaasullu isumalluarnarnerusumik ingerlatsinermi nammineq suleqataaffigisaanik inuunerinnerulernissamut (aamma annikitsuinnarmik anguniagaqartilluni) ataavartumik sungiusartoqartillugu ikiuisoqartarnissaa qulakkeerlugu. Taaguutaa nutaaq patsisaalluni, kommuniliarneq isumalluarnarnerulissaaq. Minnerunngitsumillu kommunip innuttaasut annaassinnaanagit, innuttaasut minnerusumik annerusumilluunniit allannguniarnerini namminnek alloriarnissaannik oqariartuutaaqataassaaq.

Maleruagassatigut tunngavigisaaq

Kommunit aqunneqarnerat pillugu Inatsisartut inatsisaat nr. 29 17. november 2017-meersoq (aqutsinermik inatsit)

§ 1. Kommunip susasaqarfiini kommunalbestyrelse aqutsisuuvoq.

Imm. 2. Kommunalbestyrelsep kommunip aqunneqarnera, taamatuttaaq borgmesterip suliassaqarfii, pillugit malittarisassat erseqqinnerusut aqutsinermut ileqqoreqqusami aalajangersassavai.

Aqutsinermut ileqqoreqqusassamut taamatullu aqutsinermut ileqqoreqqusamut allannguutissatut

siunnersuutit kommunalbestyrelsimit minnerpaamik ullunik 14-inik akuttussuseqartumik marloriarlugit suliarineqassapput.

§ 26. Kommunalbestyrelsi aammattaaq ataatsimiititalianik ataavartunik pilersitsisinnaavoq, taakkualu katitigaanissaat suliaasaallu aqutsinermut ileqqoreqqusami aalajangersarneqassaaq.

Qeqqata Kommunianut aqutsinermut ileqqoreqqusaq 2017-imi maajip aqqarnaneersaq.

Pissutsit atuuttut

Aqutsinermut inatsimmut naapertuuttumik kommunalbestyrelsi ataatsimiititaliat amerlassusissaannik ataatsimiititaliallu taaguutissannik pilersitsisarpoq.

Kommunalbestyrelsi aaqqissuusaanermik misissuileruttorpoq, tassani ataatsimiititaliat amerlassusisaannut allannguissamik siunnersuuteqartoqartussalluni tassungalu atatillugu ataatsimiititaliat taaguutaasa allanngortinneqarnissaat.

Siunnersuut Qeqqata Kommuniani suliniutaasumut "Meeqqat inuunerissut"-mut tulluurtuuvog, tassani 2019-imi apriilip 17-ani Ilaqutariinnermut Isumaginninnermullu ataatsimiititaliap ileqquusumik ataatsimiinnerani suliap killiffia paasissutissiissutigineqarluni.

Allaffissornikkut nalilersuisoqarsimasog paasissutissiissutigineqarpoq, tassani suleqatigiiaat taaguutaannik allannguisoqarluni, amigaatini ajornartorsiutinilu ukkatarineqarnikuusut nukissanut aaqqiissutisanullu ukkatannngortsisisoqarluni allannguisoqarnikuulluni.

Atuilluartuunissakkut kingunerisinnaasai

Nukissanik aaqqiissutissanillu innuttaasunillu pitsaasumik sullissinermik ukkataqartumik takusussutissiisinnasumut ataatsimiititaliat taaguutaannik immikkoortortallu taaguutaanik allannguinuq atuilluartuunerussaaq.

Aningaasaqarnikkut allaffissornikkullu kingunerisinnaasai

Soqanngilaq

Allaffeqarfiup naliliinera

Innuttaasunik pitsaasumik, akuersaartumik aaqqiiniartumillu pitsaasumik takutitsisumik ataatsimiititaliap taaguutaanik immikkoortortallu taaguutaanik allannguisoqartariaqarneranut allaffeqarfik isumaqataavoq.

Allaffeqarfiup innersuussutaa

Suliaq Ilaqutariinnermut Isumaginninnermullu ataatsimiititaliamut eqqartugassanngorlugu saqqummiunneqarpoq aammalu ataatsimiititaliap immikkoortortallu taaguutaanik allannguissamut kommunalbestyrelsimut siunnersuusiussasog.

Ilaqutariinnermut Isumaginninnermullu ataatsimiititaliap suliamik suliarinninenra

Ataatsimiititaliap 15. maj 2019 ataatsimiinnermini aalajangerpaa Innuttaasunut tusarniarneqarnissaat unammisitsinikkulluunniit kissaatigineqarpoq.

Innersuussut

Ilaqutariinnermut Isumaginninnermullu ataatsimiititaliap Kommunalbestyrelsimut innersuussutigivaa,

- innuttaasunut tusarniarneqarnissaat unammisitsinikkulluunniit

Aalajangiineq

Ilanngussat

1. Malene Ingemann-imit maili 2019-imi maajip pingajuaneersoq.

Imm. 11 Arctic Circle Road aqutigalugu takornarialerinerup ineriartortinneqarnissaa

Journal nr. 66.16

Tunuliaqutaq

Qeqqata Kommuniata aamma Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfiup Sisimiut Kangerlussuullu akornanni aqqusineq pillugu suleqatigiissitaanut Suliassanut nassuiaat 2017-imi novembarip 22-aneersoq (2017-imi decembarip aallaqqaataani atsiorneqartoq) naapertorlugu, Aningaasaqarnermut naalakkesuisoqarfiup taanna pillugu ilitersuutaanut naapertuuttumik, Qeqqata Kommunia ilaatigut inuiaqatigiit aningaasaqarneranut nalilersuinermik saqqummiisussaavoq.

Arctic Circle Business aamma Qeqqata Kommuniata nalunaarusiaq "Arctic Circle Road aqutigalugu takornarialerinerup ineriartortinnissaa" 2019-imi maajip qulingiluaani tamanut saqqummiuppaat. Nalunaarusiaq oqaatsit assigiinngitsut pingasut atorlugit suliaavoq; kalaallisut, danskisut tuluttullu. Nalunaarusiaq atuagannorlugu oqaatsit pingasut atorlugit, aqqusinermi nunatanik aamma UNESCO-qarfimmik siaarsinnaasumik nunap assinginiq atuakkap iluani peqartinneqarluni naqitertinneqassaaq. Aammataaq excelark tunuatungaani inuiaqatigiit aningaasaqarneranut Namminersorlutik Oqartussani, Qeqqata Kommuniani kommunillu sinnerini agguataarlugit sunniutaasinnaasuni kingunissaasinnaasut naatsorsuinerillu inissisimassapput.

Maleruagassatigut tunngavigisaq

Attaveqaqatigiinnerup pingaarnertut ilusilersorneqarnera Namminersorlutik Oqartussat akisussaaffeqarfigaat.

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq naapertorlugu, illoqarfinni aqqusinermit illoqarfinnilu sanartorfigissaanermut kommunit akisussaasuupput.

Nuuk/Nuussaq aamma Qinngorput akornanni aqqusinermit Namminersorlutik Oqartussat akileeqataassuteqarnikuupput soorluttaaq Nunatta Kujataani savaateqarfinni aqqusinermik pilersitsinermit Namminersorlutik Oqartussat ukiumut 0,4 mio. koruuninik tapiissuteqartartoq.

Pissutsit atuuttut

Nalunaarusiakku "Arctic Circle Road aqutigalugu takornarialerinerup ineriartortinnissaa" pingaarnertut inerniliusaaq:

1. Arctic Circle Road-imi aningaasaliineq inuiaqatigiit aningaasaqarneranni imminut akilersinnaavoq, pisortaniillu pilersinneqartariaqaraluarluni.
2. Aqqusineq pilersinneqarpat aningaasaliisartut hotelini, unnuisarfinni, illuaqqani siniffiusinnaasunik nutaanik 838-nik sanaartornissamut piareersimapput.
3. Sermersuarmiit/Kangerlussuarmiit Davidstrædimut /Sisimiunut periarfissarpasuit ukioq kaajallallugu takornariaqarnissamut toqqammaviupput.
4. Ukioq kaajallallugu takornariaqarneq taanna ukiut amerlasoorpassuit ingerlanerini suliffeqarfiit, kattuffinnik nammineq kajumissusilinnik (assersuutigalugu Arctic Circle Race), inuussutissarsiornermut siunnersuisooqatigiit (Arctic Circle Business) aamma kommuni suleqatigiillutik aningaasaliisarnerannit sanarfineqarnikuuvoq.
5. Nunap immikkoortunik allanik ingammillu Ilulissani Nuummilu mittarfiit nutaat ataatsimoornerulersitsinissamut periarfissanik tunniussivoq, tassani nunap immikkoortui ukioq kaajallallugu takornariaqarnermi suliniutitsinnik iluaquteqarsinnaallutik mittarfinnilu nutaanit

Arctic Circle Road-imiillu pitsaanerusumik attaveqaqatigiinnermik tamarmik iluaquteqassallutik.

Sisimiut Kangerlussuullu akornanni aqqusineq sinerlugu unnuiffiusinnaasunik aningaasaleerusuttunit, sumiiffimmi takornarialerisunit arlalinnik saaffiginnissutinik Qeqqata Kommunian tigusaqarnikuuvoq. Aningaasalersuinissamut aallerfiusinnaasunut il.il.tunngatillugu pilersaarutinik ingerlatsitseqqinniarluni, taanna pillugu ilaasa siunniussaqaqarnermik nalunaarutinik kissaateqarnikuupput. Assigiinnerusumik ilusissamik pissarsiniarluni, takornarialerisut tamaasa peqatigalugit siunniussaqaqarnermik nalunaarusiortoqarnikuuvoq. Takornarialerisut hotelini, unnuisarfimmi illuaqqanilu katillugit siniffiusinnasunik 838-nik pilersitserusupput. Inuiaqatigiit aningaasaqarneranni naatsorsuinerimi siniffiit 300-t aallaavigineqarput, takornarialerisut tamakkerlutik pilersaarutiminnik iluatsissinnaanerit qularnarmat, immaqalu allat pilersaarutiminnik assingusunik nammassinninnittunik takulerunik. Taamaattorli siniffiit 838-t aallaavigalugit periarfissamik naatsorsuisoqarnikuuvoq. Tassunga atatillugu oqaatigineqassaattaaq, takornarialerisut nutaat periarfissanik paasinnikkunik aningaasaleerusussinnaasasut.

Inuiaqatigiit aningaasaqarneranni naatsorsuinerit Namminersorlutik Oqartussanik suleqatigiissitamik eqqartuinerni arlalinni eqqartorneqarnikuupput. Illuatungeriit pingaarnertut inuiaqatigiit aningaasaqarneranni nalilersuisarneq pillugu Aningaasaqarnermut naalakkersuisoqarfiup ilitsersutaa suleriaatsimi periaatsimilu naapertuuttuusooq isumaqatigiipput. Aammattaaq aqqusineq pilersinneqarpat unnuiffiussat sumi sananeqassanersut pingaaruteqarlunnartooq isumaqatigiissutigineqarpoq. Siniffiusinnaasunik ikinnerpaamik 84-inik ukiumut unnuiffiusinnaasuni nutaani 50-inoqarneranik procentilerlugu, maanna ilimagisaasooq tassaavoq, aqqusineq inuiaqatigiit aningaasaqarneranni imminut akilersinnaasooq. Nunarsuup sinnerani suliamik assingusinnaasumik nassaarnissaq suleqatigiissitamut iluatsitsiviunikuunngilaq, tassani takornariaqarnermik annertusaanissamik siunertaqarluni aqqusinermik "immikkoortitamik" nutaarluinnarmik sanaartorneqarsimalluni.

Atuilluartaunissakkut kingunerisinnaasai

Silaannakkut assartuussinermit nunakkut assartuussineq annertunerusumik atuilluarnervoq. Taakku saniatigut aqqusinikkut assartuussisarneq ataasiakkaanut assartuussinissamik periarfissiivoq, taamaalilluni kommunip avataani assartuussinermit suliffeqarfinnik isumalluuteqarneq annikillisaataassalluni.

Aningaasat nalinginik inuussutissarsiornermit annerpaamit, tassalu aalisarnermit ineriartornermit, nunap immikkoortua isumalluutilerujussuuvoq. Aningaasaqarneq, matumani takornariaqarneq aatsitassarsiornerlu tunniussaqaqarnerullutik, nunap immikkoortua aalisarnermi ineriartornermik annikinnerusumik isumalluuteqalissaaq.

Aningaasaqarnikkut allaffissornikkullu kingunerisinnaasai

Nalunaarusiaq Arctic Circle Business-imit Qeqqata Kommunianiillu suliaavoq, taamaalilluni sulisunut akunnerit atorineqartut saniatigut aningaasaqarnikkut kinguneqarnikuunngilaq. Nalunaarusiamik aqqissuussineq, naqiterineq siammarterinerlu 100.000 koruunit missani akeqassasooq naatsorsuutigineqarpoq.

Arctic Circle Road sioraannartut pilersinneqarnissaa 400-500 mio. koruninik naleqassasooq naatsorsuutigineqarpoq, aningaasartuulli hotelit, unnuisarfimmi illuaqqallu qassit pilersinneqarnerisut apeqqutaalluni ukiut 11-14 qaanngiuppata inuiaqatigiinnut isertinneqareersimassaaq.

Sisimiut Kangerlussuullu akornanni aqqusineramik pilersitsinikkut kommuniq isertitassai annertunerusumik takornariaqarnermi immikkoortumi sulisuusut inuit akileraarutaassutigut pissapput. Isertitat taakku kommunit sinnerinut ilaatigut kommunit ataatsimoorussamik akileraarutaatigut, ilaatigut takornarissat ilaasa Arctic Circle Road sinerlugu nunamik misigisaqareerlutik nunap immikkoortuinut allanut ingerlaqqinnissamik toqqaanerisigut pisassapput. Namminersorlutik Oqartussat isertitassaat ataatsimoornerussapput, tassami inuit akileraarutaasa saniatigut takornarialerinermit immikkoortumi nioqqutissanik atuinermi akileraarutitigut mittarfinnullu akileraarutitigut nunatta karsianut akileraartoqartassamat.

Qeqqata Kommuniani pingaartumik Kangerlussuarmi mittarfik angallannikkulli aamma attaveqaqatigiinnermut atortulersuutit ataatsimoorussami selskabimut A/S Arctic Circle Traffic-imut inissinneqarunik mittarfinnut akileraarutit selskabimut tuttassapput. Namminersorlutik Oqartussat isertitassaat toqqaannartumik annikillissapput. Illuatungaatigut ilaasumut ataatsimut mittarfimmut akileraarummik appartitsinerup takornarissat amerlinerat takornariaqarnermullu aningaasaliiniartut amerlanerulernerat, inuillu akileraarutaannit pisortat karsiini iluanaarutit annertunerusut kingunerissavaa. Nunani allani mittarfinnut akileraarutit Kalaallit Nunaannit malunnaatilimmik appasinnerupput.

Allaffeqarfiup naliliinera

Allaffeqarfiup nalilerpaa, takornariaqarnermi sulialinni sumiiffinnilu innuttaasut periarfissaanut pitsanngorsaataasumik attaveqaqatigiinnermut pisortat aningaasaliineri, nunami nunallu immikkoortuini ineriartornermut aalajangiisuusut. Nunap immikkoortuanut annertunerusumik ineriartortitsinissamut, nunap immikkoortuini aningaasaliinissamut Arctic Circle Road aalajangiisutut isikkoqarpoq. Ilutigitillugu siunissami assigiinngissitaarnerusumik aningaasaqarnissamut, taamaalilluni inuiaqatigiit aalisarnerinnarmik taassumalu ineriartorneranik isumalluuteqarneranik annikillisaanermik qulakkeerinnissaaq.

Allaffeqarfiup nalilerpaa, Kalaallit Nunaani Namminersorlutik Oqartussani Qeqqata Kommunianilu politikerit maanna Arctic Circle Road piviusunngortinneqassanersoq isumaqatigiissutigisariaqaleraat. Tamanna ilaatigut illuatungeriit marluusut sanaartornermut missingersuutiminni aningaasaliinissaq pisariaqartoq aningaasaliiffigineratigut pisinaavoq. Illuatungeriit piginneqatigiilluni aktieselskabimik A/S Arctic Circle Traffic-imik pilersitsineratigut aamma pisinnaasutut periarfissaavoq, tassani nunap immikkoortuani minnerpaamik Kangerlussuup mittarfiani angallannermut attaveqaqatigiinnermut atortunik inissiinikkut.

Innersuussut

Allaffeqarfiup Aningaasaqarnermut ataatsimiititaliamut Kommunalbestyrelsimullu innersuussutigaa,

-nalunaarusiaq naqitigaasoq Kalaallit Nunaanni Namminersorlutik Oqartussani politikerinut nassiunneqassasoq

-Arctic Circle Road aqqissuussiffigineqarnissaa aningaasalersorneqarnissaalu pillugu Kalaallit Nunaanni Namminersorlutik Oqartussani politikerinik isumaqatiginniniarnernik aallartitsisoqassasoq

-maannamut hotelinut aningaasaliinissamut soqutiginnittunut hotelinullu aningaasaleruusussinnaasunut nutaanut nalunaarusiaq nassiunneqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap 21. maj 2019 ataatsimiinnermini innersuussutit akuersissutigivai.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugit,

-nalunaarusiaq naqitigaasoq Kalaallit Nunaanni Namminersorlutik Oqartussani politikerinut nassiunneqassasoq

-Arctic Circle Road aqqissuussiffiqeqarnissaa aningaasalersorneqarnissaa pillugu Kalaallit Nunaanni Namminersorlutik Oqartussani politikerinik isumaqatiginniniarnernik aallartitsisoqassasoq

-maannamut hotelinut aningaasaliinissamut soqutiginnittunut hotelinullu aningaasaleruusussinnaasunut nutaanut nalunaarusiaq nassiunneqassasoq

Aalajangiineq

Ilanngussat

1. Qeqqata Kommuniata aamma Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfiup Sisimiut Kangerlussuullu akornanni aqqusineq pillugu suleqatigiissitaanut Suliassanut nassuiaat 2017-imi novembarip 22-aneersoq (2017-imi decembarip aallaqqaataani atsiorneqartoq)
2. Nalunaarusiaq "Arctic Circle Road aqqutigalugu takornarialerinerup ineriartortinneqarnissaa"
3. Immikkoortumik nunap assinga peqiterneqarsinnaasoq
4. Excelark inuiaqatigiit aningaasaqarneranut Namminersorlutik Oqartussani, Qeqqata Kommuniani kommunillu sinnerini agguataarlugit sunniutaasinnaasuni kingunissaasinnaasut naatsorsuinerillu.
5. Tusagassiutitigut nalunaarut "Arctic Circle Road - kiffaanngissusermut aqqut"

Imm. 12 Sisimiuni immikkoortut marluk sammisassaqaqtitsivinngortinneqarnissaat pillugu kommunip pilersarusiorfigineqarneranut tapiliusaaq nr. 41-ssatut inaarutaasumik akuersissutigineqarnera

Journalnr. 16.03.01.01

Tunuliaqutaq

Sisimiuni mittarfiup eqqaani, illoqarfiullu kangia-tungaani pisariaqavitsillugu mittarfiusimasup eqqaani ATV-erfissanik marlunnik pilersitsinissamut kiisalu pisariaqavitsillugu mittarfiusimasumi aallaaveqarluni assakaasulinnik qamutilerluni qimussiussisalernissamut / ukiukkut qimussiussisalernissamut akuersissummik Sisimiuni takornarialerisunit ACD-mit (Arctic Circle Destination) Qeqqata Kommunua qinnuteqaammik tigusinikuuvoq.

Immikkoortut sammisassaqaqtitsiviusussat aasaanerani sunngiffimmi takornarissanullu sammisassanik pilersitsinissaasat, ATV-llu eqqarsaatigalugit Kangerlussuarmut nunaannakut aqqusinissatigut takornarissat najugaqavissullu isumannaatsumik angalasinnaanissaat aallaaviuvoq. Assinganik aasaanerani assakaasulinnik qamutilerluni qimussiussisalernissaq, ukiukkullu qimussiussisalernissaq Kalaallit Nunaanni kulturikkut eriagisassamut attuumasasuteqarlutik neqeroorutit takornarissanit soqutigineqalersitsinerunissaq aallaaviuvoq.

Maleruagassatigut tunngavigisaaq

Pilersarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, kingornatigut iluarsissuteqarfigineqartoq naapertorlugu, kommunip pilersarusiorfigineqarneranut tapiliusaaq suliarineqartassaaq.

Pissutsit atuuttut

Allaffeqarfiup nalilerpaa, sammisasaqaqtitsissutissat annertummata komunip pilersarusiorfigineqarneranut tapiliussassamik suliaqartoqartariaqartoq, taannalu matumuuna saqqummiunneqarluni.

Kommunip pilersarusiorfigineqarneranut tapiliussatigut, mittarfiup avannaatungaa 800-D13-imik taaneqartumi nunaminertat ATV-rfissatut - sungiusarfissatut atorneqarsinnaalissapput. Mittarfiup tungaanut aqqusinnermi sulianut tunngatillugu 2 X 200 meterinik angitigisunik iluarsartuussivissanik, angallassisutinullu inissiivissamik pilersitsisoqarnissaanik periarfissiisoqassasoq kiisalu tassanngaanniit sungiusarfissamut ingerlavissiorqassasoq anguniarneqarpoq.

Ilutigalugu ATV-nik kiisalu assakaasulinnik qamutilerluni, qamutaannarnillu qamutilerluni angallassisalernissamut immikkoortortamik pilersitsinissamut periarfissanik pilersitsisoqassaaq. Immikkoortumi tassani ATV-nut ingerlavissiat, siunissami ungasinnerusumi aqqusinniorfissatut eqqarsaatigineqartuni pingaarnertut pilersinneqassapput. Sisimiut Kangerlussuullu akornanni aqqusinniornissamut atatillugu tunngavigineqartoq assigalugu. Kangerluarsunnguup avannaatungaani Akiani najugaqarfissianut pisortat aqqusinissaannik pilersitsisoqassasoq anguniarneqarpoq, pisariaqavitsillugulu mittarfiusimasup eqqaani ingerlavissiasat, kommunip pilersarusiorfigineqarneranut tapiliussami aqqutit nutaat taaneqartut atorneqassasut anguniarneqarpoq. ATV-nut qimussiussisalernissamullu ingerlavissiasat, nunami isugutattumi asfalernagit pilersinneqassasut naatsorsuutigineqarpoq.

Mittarfiup eqqaani sungiusarfimmi ATV-nik angallattut ingerlavissiap avataatigut angallannginnissaat anguniarlugu, ATV-nut ingerlavissiat 3 meterinik nerutussuseqassasut kommunip pilersarusiorfigineqarneranut tapiliussami allassimavoq. ATV-nut ingerlavissiami, ingerlavissiamilu ullaakkut arfineq-marluniit unnukkut qulip tungaanut killeqartinneqassasoq aalajangersarneqarpoq.

Pisariaqavitsillugu mittarfiusimasumi qamutunik assakaasulinnut sungiusarfeqalernissaanut periarfissiisoqassaaq. Pisariaqavitsillugu mittarfiusimasuni ingerlatanut Illuaqqanik iluarsartuussivissanik, angallassisutinullu inissiivissanik pilersitsisoqarsinnaassaaq. Sanaartorfissat 400 m²-inik annertussusillit arfinillit immikkoortinneqassapput, taakkulu tikeraanut centerissamut, atisaajartarfissamut, isersimaartarfissamut, nerukkaatinut toqqorsivissamut, qimussinut ATV-nullu iluarsartuussivissanut kiisalu qimmiaqqanut il.il. ungalussanut immikkoortinneqassapput.

Kommunip pilersarusiorfigineqarnerani tapiliussatigut nunaminertat immikkoortinneqartut, takornarialerisunit ataasiinnaanngitsunit, taakkununnga soqutiginnittoqassappat atorneqarsinnaanngorlugit annertusariaqartut naatsorsuutaavoq. Immikkoortunit illuliat, nalinginnaasumik illuliatut isikkoqartinneqassapput, containerinillu atuisoqassappat, illutut nalinginnaasutut isikkulerlugit qallersorneqassallutik.

Illuutunik, biilnut inissiivissanik, ingerlavissiassanillu pilersitsinermi aningaasartuutit, ingerlatsinianit matussuserneqassasut kommunip pilersarusiorfigineqarnerani tapiliussatigut piumasqaataavoq.

Qaartiterutaasviup eqqaa, qaartartunik 10 tonsinik toqqortaateqarsinnaanngorlugit sanaartugaasut, illuutitut 480 meterinik, aqqusinillu 160 meterinik qaninnerunnginnissaannut isumannaallisaanermi killigititaqarpoq. Sammisassat eqqarsaatigalugit qaartiterutaasivik asseqqammat, killissarititaa taakku affaanngorlugit annikillisinneqarsinnaapput. Ingerlavissiatigut sammisassaqartitsinissanut, qimmeqarfissamut, qimussiussinissamilu sungiusarfissamut tunngatillugu illersuinissaq eqqarsaatigalugu, aqqusinernut tunngatillugu 160 meterinik pallitsaaliisoqarnissaa piumasqaataavoq.

Pisariaqavitsillugu mittarfiusimasup eqqaani immikkoortitaaq, imeqarfiup killeqarfianut killipoq, taamaakkaluartorli imeqarfiup killeqarfiani ingerlatsinissamut periarfissiisoqanngilaq.

Akiani najugaqarfissaliornermut atatillugu sanaartorfigissaanissamik, nutaanillu aqqusinniornissamik pisariaqartitsisoqalissappat, kommunip pilersarusiorfigineqarnerani tapiliussaq una annikillineqassasoq naatsorsuutigineqarpoq.

Ilutigalugu ulloq manna tikillugu immikkoortortamik atuisartut eqqugaanatik immikkoortortamik atuiinnartarnisaat piumasqaataavoq. Ilutigalugu Aatsitassalerinermik Ilinniarfiup ukiut tamaasa piffissami sivikitsumi pisariaqavitsillugu mittarfiusimasumik atuisarnerat ingerlaannassasoq piumasqaataavoq. Aqqusinertaarsuarmi oqattaasaartarfik allamut nuutsinneqarsinnaassasoq naatsorsuutigineqarpoq.

Kommunip pilersarusiorfigineqarnerani tapiliussaq, sapaatit akunnerini arfineq-pingasuni piffissami 2019-imi marsip arfernanit maajip aallaqqaataata tungaanut tamanut tusarniutigineqarnikuvoq. Tusarniaanerp ingleranerani oqaaseqaatinik tullinnguuttunik tigusaqartoqarnikuvoq:

1. Pinngortitamut, Avatangiisinut Ilisimatusarnermullu Naalakkersuisoqarfik
 - a. Pilersaarutitut siunnersuummi allassimasumiit qaartiterutissaasiviup aqqusinernilu annikinnerusumik angallaffiusut akornanni ungasissutsit minnerusinnaasut Naalakkersuisoqarfiup allappaa. Ingerlavissatut illinerup qaartiterutissaaviullu akornannni ungasissuseq 87,5 m-imut annikillisissinnaavarput. Ilutigitillugu allanneqarpoq, assakaasulinnik qimussernermut aqutip eqqaani sammisanut illut il.il. qaartiterutissaasiviup eqqaani isumannaallisaanermut killeqarfiup avataatungaani inissisimasut. Ullumikkut qaartiterutissat 10 t paarineqarnissaanut annertussusiligaavoq. Inissisimanerata kingunerissavaa, ilaatigut qaartiterutissat annertussusaannik annertusisiisinnaaneq akuerineqarsinnaassanani. Illuatungaaticut qaartiterutissanik annertusaanerup kingunerissavaa, qaartiterutaasivik inissisimaffimmut nutaamut nuuttariaqarnera.
 - i. Allaffeqarfiup oqaaseqaataa: 10 t sinnerlugit qaartiterutissat annertussusisillit toqqortaqarnissamut pisariaqartitsinermik allaffeqarfik ilisimasaqanngilaq. Ilutigitillugu paasinninneruvoq, Akiani inissiaqarfiit annertusiartortillugit qaartiterutissaasivik nuuttariaqassasoq. Aammattaaq kommunip pilersaarusiortifigineqarneranit tapiliussakkut matumuunakkut, Kangerluaarsuk tullermut aqqusineq pilersinneqarpat, suliasat pilersinneqartussat ungasinnerusooq isigalugu kangimut nuuttussaassapput.
2. Ineqarnermut Attaveqaqatigiinnermullu Naalakkersuisoqarfik
 - a. Allaffissornikkut iluarsisutaasinnaasunik arlalinnguanik Naalakkersuisoqarfik siunnersuuteqarpoq ilanngunneqartunik.
3. Aningaasaqarnermut Naalakkersuisoqartik, Nuna tamakkerlugu pilersaarusiortnermut immikkoortortaqarfik
 - a. Oqaaseqaatissaqanngilaq.
4. Illersornissamut ministeriaqarfiup illuutinut aqutsisoqarfia
 - a. Oqaaseqaatissaqanngilaq.
5. Aatsitassanut Ikummatissanullu Aqutsisoqarfik
 - a. Oqaaseqaatissaqanngilaq.
6. Lone Kristensen, Teknikkimut Avatangiisinullu Immikkoortortaqarfik
 - a. Allaffissornikkut iluarsisutissanut arlalinnguanik Lone Kristensen siunnersuuteqarpoq allallugulu, ingerlaarfissamut 800-D13-imut illinerit naaninnguunnernut nutaanngitsorujussuarnut ersarissorujussuakkut allanngortinneqartariaqanngitsukut ingerlaaffeqartoq kommunillu pilersaarusiortifigineqarnerani tapiliussap immikkoortuani eqqissisimatitat eriagisariaqakkallu iluani taaneqartariaqaraluartoq.
 - i. Allaffeqarfiup oqaaseqaataa: Kommunip pilersaarusiortifigineqarnerani tapiliussami iluarsisutissatut siunnersuutaasoq ilanngunneqassasoq inassutigineqarpoq, naaninnguunnerillu nutaanngitsut avaqqullugit ingerlavissatut illinerit illuarsinneqassasut.

7. Frederik Olsen

- a. Sisimiuni innuttaasut paarnanik kuanninillu aammalu ilaanneeriarluni eqqissisimaarfittut nunaminertat atorneqartartut pineqarmata, 800-D13 eqqaani immikkoortut pilersaarummit peerneqarnissaat Frederik Olsen oqariartuutigivaa. Nunaminertat pilersaarutikkut nipiliornermik ATV-llu pinngortitamik aserorterinerannik akornusersorneqassapput.
 - i. Allaffeqarfiup oqaaseqaataa: Allaffeqarfiup paasinninnerivaa, sammisat mittarfiup tungaanut qanittumi inissinneqarnerisigut sammisat nipiliorfiusut katersuunnarneqartut, taamaalilluni immikkoortut nipiliornermik sunnerneqartarnerat annertuumik annertusitinneqarani. Paarnanik nuniattarnermut kuanninillu katersisarnermut nunaminertanut ingerlavissatut illinerit ingerlaarfissarlu sapinngisamik mianerinnissasut naatsorsuutaavoq. Immikkoortutut immikkoortitap iluani 3 m-imik nerutussusilerlugu ingerlavissatut illinerit ilisarnaasersorneqassaaq, taamaalilluni sunniutissaa killeqassalluni. Pilersaarummi immikkoortup ilaa 800-D13 paariinnarneqassasoq inassutigineqarpoq, soorunalimi politikikkut aalajangigassaaq.

Atuilluartaunissakkut kingunerisinnaasai

Takornarissanut sammisassanik nutaanik pilersitsinikkut, takornarialerineri suli atuilluarnerusumik pilersitsisoqarsinnaalissaaq, takornarialerinerullu annertusarneqarnissaani pingaaruteqartumik suli ineriartortitsinissamat tunngavissaqalersitsissalluni. Ingerlavissiat eqqaassanngikkaanni, sammisassaqartitsiniutitigut mingutsitsisoqannginnissaa, kommunip pilersaaruserfigineqarnerani tapiliussatigut aalajangersarneqarpoq. Iersimaartarfissani seqinisaatinik assigisaanilluunniit ataavartumik nikissiuuteqarnissaaq periarfissaassaaq.

Aningaasaqarnikkut allaffissornikkullu kingunerisinnaasai

Kommunip pilersaaruserfigineqarneranut tapiliussamat tunngatillugu, aningaasaqarnikkut Qeqqata Kommunianut toqqaannartumik kingunissaqanngilaq. Kommunip pilersaaruserfigineqarneranut tapiliussatigut periarfissat pilersinneqarumaartussat, namminersortut aningaasaliinerisigut atorluarneqarsinnaassasut naatsorsuutigineqarpoq. Kommunip siunissami nunaminertat siunertanut allanut atorfissaqartilersimallugit, sammisat nuutsinneqarnissaannut kommunip aningaasartuuteqarnissaa pinngitsoortinniarlugu, ingerlatassanut nunaminertanik atugassiisoqarallaannarneranik nalunaaruteqartoqassasoq, kommunip pilersaaruserfigineqarnerani tapiliussatigut anguniarneqarpoq.

Allaffeqarfiup naliliinera

Allaffeqarfiup nalilerpaa, siunissami sunngiffimmi takornarialerinermilu sammisassaqartitsinissanut kommunip pilersaaruserfigineqarneranut tapiliussaaq sinaakkutilliilluarsinnaasoq.

Allaffeqarfiup innersuussutaa

Allaffeqarfiup innersuussutigissavaa,

-Oqaaseqaammi nr. 6-imi taaneqartutut, immikkoortup ilaani 800-D13-imi naaninguunnerit kalluarneqannginniassammata illinerit nuunneqassasut, immikkoortullu ilaa 800-D13 kommunip pilersaaruserfigineqarnerani tapiliussami paariinnarneqassasoq

-Kommunip pilersaarusiorfigineqarnerani tapiliusseq nr. 41 saqqummiunneqarnissaa siunertaralugu aningaasaqarnermut ataatsimiititaliami kommunalbestyrelsimilu inaarutaasumik akuersissutigineqassasoq

Aningaasaqarnermut Ataatsimiititaliap suliamik suliarinninnera

Ataatsimiititaliap 21. maj 2019 ataatsimiinnermini innersuussutit akuersissutigivai. Mittarfimmut ajoqutaasinnaasut misissorneqassapput.

Innersuussut

Aningaasaqarnermut Ataatsimiititaliap Kommunalbestyrelsimut innersuussutigivai,

-Oqaaseqaammi nr. 6-imi taaneqartutut, immikkoortup ilaani 800-D13-imi naaninguunnerit kalluarneqannginniassammata illinerit nuunneqassasut, immikkooortullu ilaa 800-D13 kommunip pilersaarusiorfigineqarnerani tapiliussami paariinnarneqassasoq

-Kommunip pilersaarusiorfigineqarnerani tapiliusseq nr. 41 saqqummiunneqarnissaa siunertaralugu aningaasaqarnermut ataatsimiititaliami kommunalbestyrelsimilu inaarutaasumik akuersissutigineqassasoq

Aalajangiineq

Ilanngussat

1. Kommunip pilersaarusiorfigineqarnerani tapiliusseq nr. 41 inaarutaasooq
2. KTP 41-mut oqaaseqaatit ataatsimut

Imm. 13 Illut eriagisassat sammineqarnerat

Journal nr. 16.02.12

Tunuliaqutaq

Qeqqata Kommunua 2013-imi TAI Sisimiut aqqutigalugu Sisimiuni Illuutunik kulturikkut kingornussisarneq pillugu annertuumik ineriartortitsivoq. Taserallimmi innuttaasunut, illuni eriagisassani najugalinnut/piginnittunut, immikkut ilisimasalinnut allaffeqarfimmullu isumasioqatigiisitsinermik aallarniuteqartinneqarpoq. Malitsigisaanik ataatsimiititaliaagallartussamik suliamik ingerlatitseqqiisussamik pilersitsisoqarpoq, tassani innuttaasunut sinniisut, borgmesteri, illoqarfimmi illussanik titartaasartut, katersugaasivik TAI Sisimiut ilaasortaallutik.

Ataatsimiititaliaagallartoq aserfallatsaaliinissamut ilitersuummik, illut eriagisassat pioreersut nalunaarsorneri naammassitillugit aammalu illut eriagisassanngoratarsinnaasut pillugit suliaqartitsivoq, tassani siunertarineqarluni illut eriagisassatut toqqarneqarnikuusut eriagisassaajunnaassanersut allallu ilanngunneqassanersut. Ataatsimiititaliaagallartoq atorunnaarsinneqarpoq aallaqqaammut sulinngiffeqarallarnissaq peqqutaalluni malitsigisaanillu TAI Sisimiuni Pilersaarusiornermi Immikkoortortaqarfimmi pisortap suliunnaarnera peqqutaalluni. Malitsigisaanik Pilersaarusiornermi Immikkoortortaqarfimmi annertuumik taarsersuisoqarnikuuvoq, aammalu immikkoortortami sulisut sisamaniit pingasuinnanngortinneqareerneraniit suliaq aallartinneqarqinnikuunani.

Kommunalbestyrelsimi ilaasortat arlallit illut eriagisassat pillugit suliaq apersuutiginiuuat, kingullermik kommunalbestyrelsimi ilaasortaq Evelyn Frederiksen, 2019-imi februaarip 28-ani kommunalbestyrelsip ataatsimiinnerani apeqquteqaateqartuulluni Sisimiuni illunik eriagisassaqarfiunerpaq pillugu, tassalu Qiviarfik. Februaarimi kommunalbestyrelsip ataatsimiinnerani eqqartorneqarpoq 2019-imi ukiup affaani siullermi suliamik kommunalbestyrelsimut saqqummiisoqarumaartoq.

Maleruagassatigut tunngavigisaq

Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq.

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq.

Kommunini pilersaarusiornermi eriagisassatut eqqarsaatigineqartussat isumagineqartarnerat pillugu Namminersornerullutik Oqartussat nalunaarutaat nr. 31, 30. oktober 1991-imeersoq. Katersugaasiveqarneq pillugu Inatsisartut peqqussutaat nr. 6 ulloq 30. oktober 1998-imeersoq De gule bynotater, 1990, Aningaasaqarnermut Pisortaqarfik, Nuna tamakkerlugu pilersaarusiornermut malitassiaq Sumiiffimmut Pilersaarut A12a - Qiviarfik, 2003, Sisimiut Kommune.

Pissutsit atuuttut

Kulturikkut kingornussassat illersorneqarnissaata pingaaruteqassusaa nunat tamalaat nalinginnaasumik isumaqataaffigivaat. Ingammik UNESCO nunarsuarmioqatigiit kingornussassaannik allattorsimaffiuteqartup tamanna sulissutiginiuuua. Tassani tassa Aasivissiut-

Nipisat 2018-imi ilanngunneqarpoq. Nuna tamakkerlugu kulturikkut kingornussassap illersorneqarnissaa assigiinngitsutigut sulissutigineqarpoq. Illuutit pillugit nunarpassuarni illunik illersukkanik toqqaasoqartarpoq, aamma Kalaallit Nunaanni, illunik nunamut pingaaruteqarsinnaasunik. Illut taakkua tunngaviusumik silaataani iluaniluunniit allannguisoqaqqusaanngilaq.

Illut illoqarfiilluunniit immikkoortortaasa ilaat eriagisassat sanaartoriaatsinik, illuliortaatsinik illoqarfimmilu imaluunniit nunap immikkoortortaani kulturikkut oqaluttuarisaanernik oqaluttuuartuupput. Illu eriagisassat toqqaarneqarsimatillugu illup sitaa kisimi pineqartarpoq. Illuni eriagisassani tunngaviusumik illup ilua qanorsuaq allanngortiterneqarsinnaavoq, illulli silataa eqqarsaatigissagaanni maleruagassaqarpoq illup silataata isikkuvianut tunngasunik. Ima isumaqarpoq, assersuutigalugu illup silataata qalipaatai aalajangersimasut atorneqassasut, illup uigua igalaallu illup ilusaanut naapertuutissallutik. Ima isumaqaanngilaq, aniinganersamik allissutissamilluunniit sanasoqaqqusaanngilaq - ima isumaqaannarpoq illumut tulluuttumik suliarineqassasoq.

Soorlu nunat tamakkerlugit aamma nunat immallu issittut avannarlerni Kalaallillu Nunaanni illut kingornussassat pigiinnarneqarnissaat amerlasuut ukkataraat. Assersuutigineqarsinnaavoq ukiualuit matuma siorna Svalbard-imi Longyearbyen-imiittoqarnikuusoq qaarusummi sulisunut barakkinik sukkulaataasanik assut aserfallassimasunik, taakkua kalaallit illuisa isikkupajaavisut sananeqarnukuupput, kisianni qisuk illup qalliutaa qalipaateqarnani sukkulaataasapajaajul-luniluunniit. Kusanarluinnartumik naleqassutsip innuttaasut inuunerinut atugarissaarnerinullu isumaqarnerulersikkumallugu norskeq ilisimaneqarluartoq qalipaatinut immikkut ilisimasalik Grete Smedal saaffigineqarnikuuvoq, illoqarfimmilu illut qanoq qalipaasersorneqarsinnaanersut nutaaliatut, tulluurtumik ataasiakkaatut inissillugit siunnersuuteqaqqullugu. Grete Smedal ilisimatussutsini malillugu sulilluni aallartippoq, ilaatigut pinngortitami qalipaati atorlugit, qaamarngup allanngorarujussuarnera silallu allanngorartuunera isumassarsiorfigalugit, qalipaati assigiinngitsut akulerussorneqarsinnaasut nassaaralugit. Sulisartut illutoqai Longyearbyen-imiittut nutaarluinnangorput ullumikkullu nutarsarneqarsimasut, qalipaateqisutut pilerinarluinnartutullu illoqarfiup innuttaanut inissisimalerlutik. Illut qalipaasersorneri najugaqavissunut qiimmaallaataapput takornarissaniillu nuannarineqarluarlutik. Inernerusooq nuannarineqangaarami Smedal-ip qalipaati atugai sanaartornernut nutaanut illunullu allanut atorneqartalerneqarpoq. Kisianni Longyearbyen sanaartornernut kulturerisani qangaaniilli piginngilaa – taamaammat taanna eqqarsaatigissagaanni Kalaallit Nunaat nunanit avannarlernit allaniit siuarsimanerujussuavoq.

Kalaallit Nunaanni assersuutigineqarsinnaasut kingulliit ilagaat, illut avatangiisillu pitsaasut kusanaqisullu piujuartinnissaasa imminut akilersinnaanerinut tunngatillugu, Ilimanaq-miippoq, tassani nutarterinikuuneq takornariaqarnerup tungaatigut annertusitserujussuarnikuullunilu nunat tamalaanit akissarsiassanik eqquisoqarnikuulluni. Maani Sisimiuni Amerdloq-mik, umiatsialivimmik, oqaluffitoqqamik Assaqaq-milu iluarsartuussisimaneq aamma erseqqissarneqarsinnaavoq, tassani illut kusanartut siunissamat piujuaannartinneqarnissaat qulakkeerneqarnikuulluni illoqarfiullu/immikkoortortallu ineriartornerinik oqaluttuurtullutik najugaqartunit takornarissaniillu nuannarineqarluartoq. Aningaasaateqarfiit arlallit ineriartornernut pitsaasumut tassunga tapiissuteqarnikuupput ilaatigut Real Dania Fonden (ass. Iliminaq) aamma A.P Møller Fonden (ass. Sisimiuni oqaluffitoq)

Kingulliup taaneqartup aamma Danmark-imi, taassumalu ataani Ballum-imi Fredericia-milu illut eriajisassat tapersersugarai. Ballum-imi Vadehavet-ip eqqaani Tønder Kommune-p, Kulturarvsstyrelsen-p aamma A.P Møller Fonden-ip akornanni suleqatigiinneq isiginiarneqangaatsialernikuuvoq, takornarissanillu Ballum-imut ornigutsitsisuulluni, tassani eqqaanut aqqusinilerneqarusulernikuulluni illoqarfiup illui nutartikkat alakkarneqarsinnaanngorlugit. Una siunertaavoq, Østerende Ballum-imi aamma Vesterende Ballum-imi illunik piujuaannartitsinissamut takujuminartuutitsinissamullu tapeeqataanissaq, aammalu piujuaannartitsinissamut aningaasaateqarfiup aningaasaatai ataavartumik agguarneqartarsimallutik illumik piginnuttut ataasiakkaat qinnuteqaatai ilutigalugit. Paasisaqarnerusukkuit takuuk <https://www.apmollerfonde.dk/projekter/ballum>

1980'ikkunni Namminersornerullutik Oqartussaasimasut Aningaasaqarnermut naalackersuisoqarfimmi Illuutiniq kulturikkut kingornussisarnerup qulakkeerneqarnissaanut sulianaatsiarsuaq naammassinikuuat. illut illoqarfiullu immikkoortui eriajisassat pillugit, kommunit illunik taakkuninnga isumaginninnissaat siunertaralugu, kommuninut tamanut gule bynoter-nik atserlugit suliaqarnikuupput. Illoqarfiup immikkoortui toqqarneqarnikut tassaakkajuttarput illoqarfiup nutaanngitsortai katersugaasiviit illutoqqallu pisoqaanerpaat sumiiffigisai, kisianni Sisimiuni Qiviarfik aamma ilaatinneqarpoq.

Illunut eriajisassanut kommuni akisussaasuvoq, Namminersorlutillu Oqartussat taamaallaat akuliutsinneqarsinnaallutik, kommuni illut eriajisassat isikkuinik allannguinnissaminik kissaateqarsimappat. Illut eriajisassat pillugit gule bynotater suliarineqareerneranni, kommuni illut eriajisassat kommunip illoqarfimmi pilersaarusiornermut ilannguppai, soorlu assersuutigalugu Qiviarfik eqqarsaatigalugu taanna tassaalluni Kommunip pilersaarusiornera nr. A12a.

Illoqarfiup ilaanut pilersaarutimmi A12a allaqqavoq, pilersaarutip ilaatigut ukua qulakkiissagai: typehus-ip immikkuullarissumik sanaartorneqarsimanera najoqqutassaqaqarneralu piujuaannartinneqassasut taamaammallu malittarisassaqaartoq Qiviarfimmi qanoq sanaartortoqassanersoq.

Malittarisassat taakkua allaffeqarfiup naliliinera malillugu ingasagisassaangillat aporfiunatillu. A12a-mi Qiviarfimmi malittarisassat tulluuttut atuupput, A12.1:

- Qalia assigiimmik illugiissaaq, marloqiusaalluni 45 gradenillu sivingassalluni. Tamanna aamma alliliinernut annertuunut atuuppoq soorlu uffarfinnut.
- Alliliinerit minnerusut illuinnaani sivingasumik qalialerneqarsinnaapput.
- Qaliap qallersornera qalissiaassaaq. Illup silataata qallerneru qisuussaaq. Silataani qalleq kalaallit qalipaatisartagatoqai sakkortunngitsut atorlugit qalipanneqassaaq: sungaartoq, aappalaartoq, qorsuk imaluunniit tungujortoq, toqqagassaaq alla qerningajattoq.
- Qaliap sinarsua, igalaat, igalaat assersuutai matullu silarliit qaqortumik qalipanneqassapput.

Immikkoortup ilaani A12.1-mi illunut pioreersunut allanngortiterinernut alliliinernulluunniit aalajangersakkat atuupputtaaq:

- Illassutitut sanaartukkap nutaap portussusissaata illup portussusereriigaa qaangissanngilaa.
- Illup silataanut qisuk qalliutissap nutaap illup qalliutigeriigaata assinganik pilerneqassaaq imaluunniit illup salliligaasanik qallersorneqarnera pioreersoq assigalugu marrarnik qisunnilluunniit 115 mm-ikkuutaartunik pilersorneqassalluni, isikkutoqaa pigiinnarumallugu.
- Qisuit nutaat illup qalipaatiaviata assinganik qalipanneqassapput.

- Igalaat nutaat qanattalersorlugit suliarineqassapput taamaalilluni qaammaqutaasussap annertussusaa 0,7 kvm-imiit annertuneruniassamat.
- Aniinganeq suliarineqassaaq imaluunniit pigiinnarneqassaaq immikkoortumi qaliat sivinganerisa ilisarnaataat malillugu 33°.

Illoqarfiup ilaanut pilersaarummi illumik alliliinermut allangortiterinermulluunniit killilersuilluni tunngassutilinnik allanik eqqaasaqartoqanngilaq.

Illunik illoqarfiullu immikkoortuinik eriagisassanik toqqaaneq ukiut 30-t sinnerlugit matuma siornani pivoq, innuttaasunillu ilanngussititsinaniluunniit ingerlanneqarsimalluni, tamannalu illut paarineqarsimannginnerinut aserfallatsaalineqarsimannginnerinullu peqqutaataasimagunarpoq. Immaqa illuni toqqarneqarsimasuni oqaluttuassat pingaarutillit tamarmik oqaluttuarineqarsimanngitsut. Tamanna tunngavigalugu TAI Sisimiut unammillernartumut tassunga iliuuseqarniarluni suliamik annertunerusumik aallartitsinikuuvoq.

Eqqarsaataanikuuvoq Sisimiuni illut misissorneqassasut Sisimiuni illut eriagisassanngoratarsinnaasut pillugit siunnersuuteqarnissaaq siunertaralugu, tamakkulu politikikkut innersuunneqassallutik. Suleqatigiissitat aamma suliat eriagisassanut tunngassutillit pillugit tusarniaavigineqartartussaapput.

Aserfallatsaaliinissamat ilitsersuut pitsaasoq tullinnguuttinik kalluaasoq suliarineqarpoq: Igalaat, Matut, Illup aniinganeri, Alliliineq/allangortiterineq, Silatimikkut ikkersuutit, Qalipaaneq qalipaatiillu, Oqorsaasessueqqinneq, Pujoorfiit, Majuarterfiit qisuusut aneerasaarterfiillu. Ilitsersuut kommunimi nunaminertanik aqutsisumit sanaartornermut sullissisumiillu atorneqassaaq, maluginiaqquneqassaaq inatsit malinneqartussaaq pineqanngimmat, ilitsersuulli siunnersuutinik pitsaasunik imaqartoq malinneqarsinnaasooq pineqarmat.

Atuilluartuunissakkut kingunerisinnaasai

Kulturikkut kingornussap pigiinnarneqarnera atuilluartuuneruvoq, illunili peqqissutsimut uloriananngitsuni, ullutsinnullu naleqquttuni innuttaasut najugaqarunik assinganik atuilluartuunerulluni. Sisimiuni KTI-mik ARTEK imaqarluni teknikkimut ilinniarnermut ilisimatusarnermullu qitiusumik inissisimasumut kiisalu Aasivissuit-Nipisat UNESCO nunarsuarmioqatigiinnut kingornussassaqtumut, illuutit kulturikkut kingornussassat pigiinnarnissaannut sunniiveqatigiinnermik pilersitsinissaaq atuilluartuussaaq.

Aningaasaqarnikkut allaffissornikkullu kingunerisinnaasai

Illut ajoquteqannginnissaat piginnittut akisussaaffigaat. Taamaakkaluarterli illut allangutsaaliukkat tamangajammik pisortanit, matumani kommuni ilanngullugu pigineqarput, taamaattumillu illut eriagisassat amerlanerit innuttaasunit pigineqarlutik. Illut allangutsaaliukkat illoqarfitoqqamiinnerupput, taakkulu najugaqavissunit takornarissaniillu nuannaarutaallutik Sisimiuni Maniitsumilu katersugaasivittut atorneqarlutik.

Illunik eriagisassanik piginniinnarnissamat suliniummot, aningaasaqarnikkut kaammattuutinik tapertaasinnaasunik ilanngussisoqarnikuunngilaq. Namminersorlutik Oqartussat illunik innuttaasunik pigineqartunik nutarsaanissamat tapiissutinik aningaasaliissutaanik, kommuni ungasinngitsumi tigusaqarnikummat, aningaasaliissutit ilaat, soorlu ½-1 mio. koruunit illutininik kingornussassanik nutarsaanissamat sammisunut immikkoortitsisinnaagaluarpoq. Aserfallatsaaliinermut ilitsersuut naapertorlugu illut nutarternissaannut annertunerusumik

tapisinnaagunik, tamanna illunik eriajisassanik piginnittunut, illut eriajisassaanerinek ajornartorsiutitut isiginnikkunnaarsinnaapput.

Taamatutaaq kommunalbestyrelsip nutaap maligassiuiinissamik ukkataqarnerat illuutunik kingornussisarnermut ilanngunneqarsinnaavoq, assersuutigalugu illunik piginnittut illuutiminnik eriajisassaasunik nutarsaaniarnerat akiliuteqarnikkut tapersersorneqarsinnaapput. Taamatullu illut oqaluttuarisaanerinek eriajisassanngortinneqarneratalu tunuliaqutaanik eqqartuinikkut, allagartalersuinikkut kiisalu app-imik pilersitsinikkut, illumut kingornussassamat innuttaasunik takornarissanillu paasinninnerulersitsinermik alutorinnilersitsinermillu qulakkeerisoqarsinnaavoq. Immikkoortortani arlalinni Arctic Circle Business-ip Qeqqata Kommuniatalu allagartualersuinissamik ukkatarinnereerneranut, taamatut suliniuteqarnissaq tulluuppoq.

SAVE nalunaarsuinernek nutaamik ilitsersuusiornernillu kiisalu innuttaasut suleqatigiissitaanik ataqatigiissaarineq annertuumik suliaqarnek, pingaartumik Sisimiuni TAI-mi pilersaarusiornermut immikkoortortami sulisumik soraartoqarneratigut uninnikuuvoq. Tamatuma saniatigut sanaartornermut missingersuutit annertusiartortut isumagineqarsinnaaqqullugit, immikkoortortami sulisut amerlassusaanik ikilisaasoqarpoq, atorfik pilersaarusiornermut immikkoortortamit sanaartornermut immikkoortortamut nuutsinneqarneratigut, tassa imaappoq pilersaarusiornermut immikkoortortami sulisut sisamaniit pingasunngortinneqarlutik, sanaartornermullu immikkoortortami sulisut pingasuniit sisamannngortinneqarlutik. Atorfimmik taamatut nuussineq aamma, Sisimiuni pilersaarusiornermut sulianik allanik malitsigisaanik kinguaattoortoqarpoq, ilaatigut qimmeqarfimmu kommunip pilersaarusiorfigineqarneratigut tapiliussaliornissaq/sammisaq pillugu pilersaarusiornissaq. Sisimiuni TAI-mi atorfiit amerlassusaasa qaffannerat, tassa pilersaarusiornermut sanaartornermullu suliat pingaarnersiornissaannut, ½ mio. koruuninik naleqartussatut nalilerneqarpoq.

Allaffeqarfiup naliliinera

Allaffeqarfik naliliivoq, nunani issittuni allani illut nunamik taamatut ilusileeqataasunik peqanngitsoq. Qaqqat apisimasut ungataaniillutik, nunaqarfinni qattunerasaartuni illut qalipaaticissaartut assingi isiginnaartillugit, Kalaallit Nunaat eqqaaneqanngitsoorsinnaanngilaq. Illut silap pissusaanut naleqqussagaapput, qalipaaticissaarlutik kusanarluinnartumik ilusilersugaallutik. Ilusaat qalipaataallu ataqatigiissaarneqarsinnaapput, taamaattorli atasutut isikkoqalersarlutik – illuatungaatigulli aamma qalipaaticissaartutut immikkuullarissutullu isikkoqartarlutik. Kalaallit Nunaanni sanaartoriaaseq nunanit allanit isiginiarneqartalernekuuvoq.

Allaffeqarfik naliliivoq, Kalaallit Nunaat inuiaqatigiittut illuutit avatangiiserlu kusanarluinnartut pigiinnarnerisigut imminut akilersinnaasut. Najugaqartunut kinaassuseqarnermik pilersitsisarpoq, tamannalu takornarissanik inuussutissarsiortunillu orniginartitsisarlu. Iloqarfiit illullu immikkut neqeroorutissaqartillugit, allat nuunnissaminnik, suliffeqarfimmik ammaanissamik, cafe-liartarnissamik kulturikkullu neqeroorusiornissamik piumassuseqalersarput, tamakkulu illunik kusanarluinnartunik piumasaqarnerulernermik kiisalu illut akiinik qaffakkiartornermik kinguneqartarlutik. Sisimiuni pingaartumik immikkoortunik ileqqoq malillugu illunik imaqartunik ataqatigiittunik annertuumik peqarpoq – illut GTO-p nalaani kiisalu nammineq sanaat, nalinginnaasumik iluseqarnermigut kiisalu qalipaaticit akuleriisinneqarnerisigut ataqatigiittut, taamaattorli aamma immikkuullarissutut isikkoqartut.

Allaffeqarfiup paasinninnerivaa, eriajisassat kiisalu illoqarfiup pilersaarusiorfigineqarnera illunik piginnittunik qanoq iliornissaanik annikitsuinnarmik killiliisoq. Illut eriajisassaanerisa,

eriagisassaanerinulluunniit malittarisassanik paatsuinerup kingunerisaanik illut oqorsarluarneqarsimangippata, annertuumillu suliaassaappata pitsaavallaassanngilaq. Assersuutigalugu illoqarfiup immikkoortortaa Qiviarfimmi illut eqqortunik igalaalersorneqarsimasut, illoqarfiup pilersaaruserfigineqarnerani piumasagaataasoq, amerlassusai qimerluataaraanni, ikitsuararsuit kisimik igalaanik qanattagaasunik peqarput, tamannalu ilisimasakinnerunermik kiisalu illoqarfiup pilersaaruserfigineqarnerani maleruagassanik eqqaaneqartunik illuutillit ilisimanninnginnerinik takussutissii voq.

Allaffeqarfik naliliivoq, aningaasaqarnikkut kaammattuutininik qulakkeerinnissamut kommuni siuttuusariaqartoq, taamaalilluni innuttaasut illuminnik immikkut/annertunerusumik iliuuseqarfiginnissaannik kajuumilersitsissallutik. Ilaatigut illunut eriagisassanut innuttaasunit pigineqartunut nutarterinnissamut aningaasaliissutinit immikkoortitsinerusinnaavoq, maleruagassallu aalajangersimasut naapertorlugit illumik iluarsartuussinissamut, aningaasaateqarfinnik sumiiffinnilu aningaaserivinnik iluanaarutaasinnaasunik attartorsinnaanermut periarfissaqalersitsinikkuusinnaavoq.

Allaffeqarfik naliliivoq, Namminersorlutik Oqartussanit suliaassat amerlanerusut, pingaartumik sanaartornermut tunngasut tiguneqarnerisa malitsigisaannik, Sisimiuni Maniitsumilu Teknikkeqarnermut Avatangiisinullu immikkoortortat marluusut annertunerusumik nukissanik ilaneqannginneri pitsaasuunngitsoq. Taamaattumik TAI-mi sulisumik ataatsimik ilanissaa pisariaqarpoq.

Allaffeqarfiup innersuusutaa

Aningaasaqarnermut ataatsimiititaliamit Kommunalbestyrelsimiillu akuereqqullugu allaffeqarfiup innersuusutigaa,

-Borgmesterimit kiisalu Teknikkeqarnermut Aatsitassarsiornermut Avatangiisinullu ataatsimiititaliami siulittaasumit politikikkut peqataasoqarluni illunik eriagisassanik suliaqarneq ingerlateqqinneqassasoq

-Iluarsartuussinissamut aningaasaliissutit ilaat illunut eriagisassanut innuttaasunit pigineqartunut immikkoortinneqarsinnaaneranut periarfissanik allaffeqarfik misissuissasoq

-Sisimiuni Maniitsumilu TAI-mi sulisut amerlineqarnissaat 2020-mut missingersuutininik eqqarsaatersuuteqarnermut ilanngunneqassasoq

Aningaasaqarnermut Ataatsimiititaliap suliamik suliarinninnera

Ataatsimiititaliap 21. maj 2019 ataatsimiinnermini innersuusutit akuersissutigivai.

Innersuusut

Aningaasaqarnermut Ataatsimiititaliap Kommunalbestyrelsimut innersuusutigivai,

-Borgmesterimit kiisalu Teknikkeqarnermut Aatsitassarsiornermut Avatangiisinullu ataatsimiititaliami siulittaasumit politikikkut peqataasoqarluni illunik eriagisassanik suliaqarneq ingerlateqqinneqassasoq

-Iluarsartuussinissamut aningaasaliissutit ilaat illunut eriagisassanut innuttaasunit pigineqartunut immikkoortinneqarsinnaaneranut periarfissanik allaffeqarfik misissuissasoq

-Sisimiuni Maniitsumilu TAI-mi sulisut amerlineqarnissaat 2020-mut missingersuutiniq
eqqarsaatersuuteqarnermut ilanngunneqassasoq

Aalajangiineq

Ilanngussat

1. Evelyn Frederiksens 2018-imi decembarip 20-ani mailerutaa
2. Illoqarfiup pilersaarusiortifigineqarnera nr. A12a
3. Aserfallatsaaliinissamut ilitsersuut
4. Bergen-imi Longyearbyen-imi il.il. assit assersuutit
5. De gule bynotater (kalaallisut qallunaatullu)

Imm. 14 Upalungaarsimanermut pilersaarutip akuersissutigineqarnera

Journal nr. 85.02

Tunuliaqutaq

Politikkikkut ataqatigiissaarisut Naalakkersuisunik borgmesterinillu inuttaqartup aalajangiunnikuuaa, kommunit upalungaarsimanermut pilersaarutaat 2019-imi maajimi suliarineqareersimassasut.

Maleruagassatigut tunngavigissaq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

Pissutsit atuuttut

Upalungaarsimanissamut sungiusarnerit, kommunip upalungaarsimanermut pilersaarutaanut malitassamik atuilluarnikkut aammalu kommuniusimasut upalungaarsimanermut pilersaarutigisimasaannit misilittakkat tunuliaqutaralugit, upalungaarsimanissamut pisortaq upalungaarsimanissamut siunnersuummik suliaqarnikuuvoq.

Pisortaqatigiit 2019-imi maajip aappaani ataatsimiinnermini upalungaarsimanissamut siunnersuut eqqartornikuuaa, tamatumalu kingorna Teknikkeqarnermut Aatsitassarsiornermut Avatangiisinullu ataatsimiititaliamut suliaq nassiullugu. Tamatuma kingorna upalungaarsimanissamut pilersaarut upalungaarsimanermut ataatsimiititaliarsuarmut nassiunneqassaaq, taamaaliluni iluarsiissutaasinnaasut qitiusumillu oqartussanut tunngatillugu ataqatigiissarinerit ilanngunneqarsinnaaniassammata. Tamatuma kingorna inaarutaasumik akuersissutissanngorlugu Qeqqata Kommunalbestyrelsianut nassiunneqassaaq.

Atuilluartuunissakkut kingunerisinnaasai

Ajornartoorluni pisunik suliaqarnissamut ataatsimut paasinneqatigiinnissaq atuilluartuuneruvoq.

Aningaasaqarnikkut allaffissornikkullu kingunerisinnaasai

Upalungaarsimanissamut pilersaarummut atatillugu aningaasaqarnikkut allaffissornikkullu toqqaannartumik kingunissaqanngilaq. Pisuiit, matumani upalungaarsimanermut pilersaarut aamma ajornartoornermi suliaqartut aallartinneqarnerat siumut takuneqarsinnaanngitsunik aningaasaqarnikkut kinguneqassaaq.

Allaffeqarfiup naliliinera

Allaffeqarfiup nalilerpaa, upalungaarsimanissamut pilersaarutip kommuni ataatsimut paasinnilersikkaa, ajornartoorluni pisoqarnerani ataatsimut sunik suliaqartoqassanersoq.

Allaffeqarfiup innersuussutaa

Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigineqarpoq

-Qeqqata Kommuniata ataatsimut upalungaarsimanissamut pilersaarutissaanut siunnersuut akuersissutigineqassasoq

-Kommunalbestyrelsimi saqqummiunneqannginnerani inaarutaasumillu akuersissutigineqannginnerani upalungaarsimanermut ataatsimiititaliarsuup oqaaseqaateqarnissaa siunertaralugu siunnersuut nassiunneqassasoq

Teknikkeqarnermut, Aatsitassarsiornermut Avatangiisinullu ataatsimiititaliap suliamik suliarinninnera

Ataatsimiititalipa 7. maj 2019 ataatsimiinnermini innersuussutit akuersissutigivai.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliap Kommunalbestyrelsimut innersuussutigivaa,

-Qeqqata Kommuniata ataatsimut upalungaarsimanissamut pilersaarutissaanut inaarutaasumik akuersissutigineqassasoq

Aalajangiineq

Ilanngussat

1. Qeqqata Kommuniata ataatsimut upalungaarsimanissamut pilersaarutaatut siunnersuut 2019-imi maajip aappaaneersoq
2. Qeqqata Kommuniata ataatsimut upalungaarsimanissamut pilersaarutaatut siunnersuummut tapiliussaq 2019-imi maajip aappaaneersoq

Imm. 15 Ataatsimiititaliamut ilaasortassanik sinniisussanillu nutaanik qinersineq

Journal nr. 01.01.03

Tunuliaqutaq

2019-imi maj-ip 31-iani Malene Ingemann-ip kommunalbestyrelsimit tunuarneranut atatillugu, suleqatigiit Siumut, Inuit Ataqatigiit Partii Nalerarlu ataatsimiititaliamut il.il. ilaasortassanik sinniisussanillu kommunalbestyrelsimut akuerisassanngortitsilluni innersuussinissaanik qinnuigineqarpoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaanni nr. 29, 17. november 2017-meersumi § ”38-mi allassimavoq *Piffissap qinigaaffiup ingerlanerani ataatsimiititaliami taamaaqataaniluunniit ilaasorta q tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunangga inuttalerneqassaaq.*”

Pissutsit atuuttut

Tullinnguuttunut **ilaasortamik nutaamik** qinersisoqassaaq:

1. Ilaqtariinnermut Isumaginninnermullu Ataatsimiititaliaq
2. Ilinniartitaanermut, Peqqinnermut, Sunngiffimmi sammisanut Kultureqarnermullu Ataatsimiititaliaq
3. Qeqqata Kommuniani qinersinermik siulersuisut
4. Arctic Circle Business

Tullinnguuttumi **sinniisussamik nutaamik** qinersisoqassaaq:

1. Teknikkeqarnermut Aatsitassarsiornermut Avatangiisinullu Ataatsimiititaliaq

Innersuussut

Kommunalbestyrelsimit akuersisassanngorlugu, Suleqatigiit Siumut, Inuit Ataqatigiit Partii Nalerarlu tullinnguuttutigit toqqaanissamat innersuussinissaanik qinnuigineqarpoq

Tullinnguuttunut **ilaasortamik nutaamik** qinersisoqassaaq:

1. Ilaqtariinnermut Isumaginninnermullu Ataatsimiititaliaq
2. Ilinniartitaanermut, Peqqinnermut, Sunngiffimmi sammisanut Kultureqarnermullu Ataatsimiititaliaq
3. Qeqqata Kommuniani qinersinermik siulersuisut
4. Arctic Circle Business

Tullinnguuttunut **sinniisussamik nutaamik** qinersisoqassaaq:

1. Teknikkeqarnermut Aatsitassarsiornermut Avatangiisinullu ataatsimiititaliaq

Aalajangiineq

Ilanngussat

1. Ataatsimiititaliat allattorsimaffiat

Imm. 16 BDO-mit aaqqissuussaannermik misissueqqissaarinnermit inernerit tunngavigalugit aaqqissuussaakkut allannguinissamut siunnersuut

Journalnr. 02.01.01

Tunuliaqutaq

Maniitsup Kommunerisimasaata aamma Sisimiut Kommunerisimasaata 2009-mi januaarip aallaqqaataani Qeqqata Kommunianut kattunneqarnerisa kingorna, aaqqissuussaaneq annikitsuinnarmik naleqqusarneqarnikuuvoq. 2014-imi aggustimi ilaqutariinnut ilinniartitaanermullu pisortaanertut atorfik atorunnaarseriarlugu illoqarfinni marluusuni (Maniitsumi Sisimiunilu), pisortaanerup sulisuinut pisortatut atorfiit marluk pilersinneqarnerisigut, massakkut Sisimiuni pisortaanerup sulisuinut pisortatut atorfik Maniitsumilu ineriartortitsinnermi pisortatut atorfik, aaqqissuussaaneq kingullermik allanngortinneqarpoq.

Kommunalbestyrelsi 2017-imi oktobarip 26-ani aalajangerpoq, aaqqissuussaannerup isikkua misissorneqassasoq, kissaatigalugulu aaqqissuussaannermik misissueqqissaarisooqassasoq. Tassunga atatillugu 2018-imi oktobarip 25-ani Kommunalbestyrelsimi aalajangiunneqarpoq, aaqqissuussaannermik misissueqqissaarinissamut avataanit siunnersortitut BDO toqqarneqassasoq.

Maleruagassatigut tunngavigisaq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 1. Kommuniip susasaqarfiini kommunalbestyrelse aqutsisuuvoq.

Imm. 2. Kommunalbestyrelsip kommunip aqunneqarnera, taamatuttaaq borgmesterip suliassaqarfii, pillugit malittarisassat erseqqinnerusut aqutsinnermut ileqqoreqqusami aalajangersassavai. Aqutsinnermut ileqqoreqqusassamut taamatullu aqutsinnermut ileqqoreqqusamut allannguutissatut siunnersuutit kommunalbestyrelsimit minnerpaamik ullunik 14-inik akuttussuseqartumik marloriarlugit suliarineqassapput.

Pissutsit atuuttut

2018-imi novembarimi decembarimilu aamma 2019-imi januaarimi Maniitsumi Sisimiunilu, aaqqissuussaannermut misissueqqissaaneq BDO-mi siunnesortinit ingerlanneqarpoq, tassani apersuinerit 55-it ingerlanneqarlutik. Politikerit, pisortaanerit, pisortat, immikkoortortaqarfinni aqutsisut, inuillu qitiutit (Lokalsisu aamma Hovedsisu) apersorneqarput. Tamatuma kingorna apersuinnermit inernerit BDO-mit katersorneqarput, 2019-imi aprilimi ullormi sammisaqartitsinnermut tunngaviusuusumik, Kommunalbestyrelsimullu pisortaqatigiinnullu nassiunneqartumik nalunaarusiortoqarluni.

Aaqqissuussaannerup misissuiffigeqqissaarneqarnerani paasinarsivoq, innuttaasut qanimut qitiusumik aaqqissuussisimaneq, maannakkut allaffissornikkut aaqqissuussaaneusoq Qeqqata Kommunianut nukittuffiusoq, taamaattumillu siunissami aaqqissuusseqqinnissami attatiinnarneqartariaqartoq. Tamatuma saniatigut illoqarfiit akornanni suleqatigiinnissami tunngavissaq pilersinneqareersimavoq, innuttaasunilli pitsaanerpaamik sullissinissami nukittorsarneqartariaqarluni.

Tamatuma saniatigut naliliinerup takutippaa, ullumikkut pisortaanerit marloqiusamik akisussaaffeqarnerit patsisigalugu suliassarpassuaqartut, ingerlatsinnermullu tunngasunik annertuumik immikkut sammisaqarnermikkut akimmiffinngorsinnaasartut.

Ilutigalugu Qeqqata Kommuniani aqutsisoqarnikkut aaqqissuussaanera ilungersunartumik inissisimavoq, aalajangiisinaanermili piginnaatitaaffik ersarissumik agguataagaangilaq. Ilutigalugu atugarissaarnerup, tatigeqatigiinnerup kiisalu suliassat, akisussaaffiit piginnaassutsillu nukittorsarneqarnissaat immikkut sammineqarnerisigut, aaqqissuussaanermi pingaarnertut suliassap ataatsimoorullugu aaqqiivigineqarnissaa pillugu sulissutigineqaruni aamma nukittuffittut inissisimassaaq. Kiisalu piginnaatitaaffiit annertusarneqarnissaat sulissutigineqaralarpat aamma iluaqutaassagalarpoq.

Aaqqissuussaanermi misissueqqissaarneq aammattaaq 2019-imi pingasunngornermi apriliip 24-ani BDO-meersumit Birgitte Hoberg Sloth-imit, Kommunalbestyrelsimut pisortaqtigiinnullu ullormi sammisaqartitsineri saqqummiunneqarpoq. Tassani eqimattakkarluni periarfissat sorliit suliareqqinneqassanersut toqqarniarlugit eqimattakkaani eqqartorneqarlutik.

Eqimattani isumaqtigiittoqarpoq ataatsimiititaliat ataavartut tallimaniit ataatsimiititalianut ataavartunut pingasunut ikilisinneqassasut, tassungalu eqimattaq amerlanerussuteqartut aaqqissuussaanermi allannguutissatut siunnersuutitut nutaatut periarfissaq 4 toqqarpaat, tassungalu atatillugu aaqqissuusseqqinnermut siunnersuummik nutaamik pisortaqtigiit saqqummiussippot periarfissat tallimaattut, siunnersuullu taanna BDO-mit nalilersoqqissaarneqarnikuuvoq, aammalu periarfissaq 5-imut pitsaaqutit, ajoqutaasinnaasut, aammalu immikkut tunngavigisat pillugit ilanngussami atuarneqarsinnaalluni.

Atuilluartuunissakkut kingunerisinnaasai

Aaqqissuussaanertut ingerlaavartumik allanngortiterisinnaaneq atuilluartuuneruvoq, taamaalilluni suleqatigiinnissamut isumaqtigiissut aamma periusissiasatut pilersaarutip malitsigisaanik politikkikkut anguniakkanut tulluarsarneqarluni.

Aningaasaqarnikkut allaffissornikkullu kingunerisinnaasai

Aaqqissuusseqqinneq ungasinnerusoq isigalugu, Qeqqata Kommunianut aaqqissuusseqqinnikkut allaffissornikkut sipaaruteqarsinnaaneq pineqassaaq, uani immikkoortortani sileqatigiinnik sulisoqarluni, taamaalilluni immikkoortuni assigiinngitsuni immikkoortortani aqutsisut ikilisinneqassallutik.

Taamaattorli pisortaanernik immikkoortortaniluunniit pisortanik nutaanik atorfinitsitsinermut aningaasaqarnikkut kinguneqassaaq, tamannalu periarfissaq sorleq toqqarneqarnera pillugu annertunerusumik paasineqarnikuunngilaq, ullormili sammisassaqtitsineri periarfissaq 4-mik toqqaaneq aallaavigigaanni, pisortaanernik immikkut marlunnik atorfinitsitsisoqassaaq, taamaalilluni pisortaarfik tamakkiisoq sisamanik pisortaaneqalissalluni, tamanna pisortaanernut marlunnut ukiumut aningaasartuutissanut 1.8 mio. koruunik malitseqartussaassaa. (Pisortaanermut ataatsimut missiliorlugu 880 t.koruuniupput.)

Immikkoortortani pisortanik atorfinitsitsilluni pisortaaqtigiit siunnersuutaatigutaaq akissarsiatigut oqimaatsuusaaq, immikkoortortani pisortanik pingasunik atorfinitsitsisoqarneratigut ukiumut 1.7 mio. koruunit missaanik naleqassamat. Uani eqqarsaataasinnaavortaaq, immikkoortut anginerusut soorlu Ilaqutariinnermut immikkoortortaq aamma Ilinniartitaanermut immikkoortortaq ataatsimoortinneqarsinnaanerit, taamaalilluni immikkoortortani pisortanik marlunnik sulisoqassalluni, tassunga ukiumut akissarsianut aningaasartuutit 1.2 mio. koruunit missaaniissapput. (Immikkoortortami pisortamut ataatsimut missiliorlugu 580. t.koruuniuvoq.)

Immikkoortortani suleqatigiikkaanik aqqissuussinerup malitsigisaanik assersuutigalugu Ilaqutariinnermut immikkoortortami immikkoortuni aqutsisut arfineq-marluk sipaarutigineqassapput, taamaalilluni ullumikkusut immikkoortuni aqutsisut quliunatik, taamaallaat immikkoortuni aqutsisut (illoqarfinni tamani) pingasuinnangussallutik, periarfissamik 4-milli toqqaanikkut, pisortaanernik nutaanik marlunnik atorfinitsitsisoqassamat akissarsiatigut oqimaatsuusaaq. Taamaattumik ilanngaattissat ilanngaatigereerlugit amerlassutsinut aningaasaqarnikkut sipaarutissat annertuallaarnaviangillat.

Kommunalbestyrelsip aalajangeereernerata kingorna, periarfissaq sorleq ingerlateqqinneqarnissaanik aalajangiineq malillugu, Qeqqata Kommuniani aqqissuusseqqinnermik misissuisussamik suleqatigiissitamik pilersitsisoqarnissaa pingaaruteqarpoq. Taamaaliornikkut sulisunik nuutsiterinissamik suliniutinilluunniit assingusuni allaffissornikkut annertunerusumik kinguneqarsinnaavoq.

Allaffeqarfiup naliliinera

Allaffeqarfik naliliivoq, aqqissuussaaneerup nalilersoqqinneqarnera peqqinnartuusoq, innuttaasunut sapinngisamik sunniuteqarnerpaamik minnerunngitsumillu politikkikkut anguniakkanik sulinissaq pingaaruteqarmat. Taamaattorli periarfissaq sorleq toqqaarneqassanersoq allaffeqarfiup pissanngatigaa, aammattaq aqqissuussaaneermut sunniuteqarsinnaammat, allaffeqarfimmik allangortiterinermi sapinngisamik suleqataasut akuutinneqarnissaat, pingaaruteqartutut tikkuarlugu.

Innersuussut

Allaffeqarfiup Kommunalbestyrelsimi eqqartoqassanngorlugu innersuussutigaa, innersuussutigalugulu,

1. aqqissuusseqqinnermut suleriaqqinnissamik periarfissaq sorleq ingerlanneqassanersoq aammalu aqqissuussaaneermik pitsanngorsaatissami siunnersuusiortoqassasoq:

- a) Periarfissaq 1: Pingasunik pisortaaneqarluni: Kommunimi pisortaaneq, Nutaaliornissamat pisortaaneq aammalu Atugarissaaneermut pisortaaneq.
- b) Periarfissaq 2: Marlunnik pisortaaneqarluni – Kommunimi pisortaaneq, Ilaqutariinnermut/atugarissaaneermut, Ilinniartitaanermut kiisalu ataatsimoorussamik allatseqarfimmik, Innuttaasunillu Sullissivimmik akisussaasoq, kiisalu Kommunimi pisortaanerup tullia, Inuutissarsiutinut, Teknikkikkimut Avatangiisinullu kiisalu pisortap sulisuinut, Nutaaliornissamat suliniutinullu allaffeqarfimmik akisussaaffilik.
- c) Periarfissaq 3: Maannakkutut aqqissuussaaneerup pigiinnarneqarnera
- d) Periarfissaq 4: pisortaanernik nutaanik marlunnik atorfinitsitsisoqassasoq, tassalu ilaqutariinnermut pisortaaneq ataaseq aamma ilinniartitaanermut pisortaaneq ataaseq. Tamanna isumaqarpoq pisortaanerit sisamangussasut.
- e) Periarfissaq 5: pisortaanerit marluk paariinnarlugit, immikkoortortanili pingasuusuni immikkoortortani pisortanik atorfinitsitsisoqarluni pisortaaqatigiit siunnersuutaat.

2. ataatsimiititaliat ataavartut qanoq amerlatiginissaanik siunnersuusiortoqassasoq, aammalu ataatsimiititaliat ataavartut suunissaanik siunnersuusiortoqassasoq:

- a) Aalisarnermut, Piniarnermut Nunaqarfinnullu ataatsimiititaliaq aamma Inuussutissarsiutinut Takornariaqarnermullu ataatsimiititaliaq atorunnaarsinneqassasut.
- I. Aalisarnermut, Piniarnermut Nunaqarfinnullu ataatsimiititaliap akisussaaffii, Teknikkeqarnermut, Aatsitassarsiornermut Avatangiisinullu ataatsimiititaliamut nuunneqassasut.
 - II. Peqqinnerulersitsinissamut tunngasoq Ilinniartitaanermit, Peqqinnermut, Sunngiffimmi sammisanut Kultureqarnermullu ataatsimiititaliamit, Ilaqutariinnermut Isumaginninnermullu ataatsimiititaliamut nuunneqassasoq.
 - III. Inuutissarsiutit, Majoriaq suliffeqarnerlu (Inuussutissarsiutinut Takornariaqarnermullu ataatsimiititaliamit), Ilinniartitaanermit, Peqqinnermut, Sunngiffimmi sammisanut Kultureqarnermullu ataatsimiititaliamut nuunneqassasut
 - IV. Inuussutissarsiutinut Takornariaqarnermullu ataatsimiititaliaq il.il. Aningaasaqarnermut ataatsimiititaliap ataaniilissasoq.
- b) Ataatsimiititaliat ilusilersugaanerata atuuttoq paariinnerneqassasoq

3. qaninnerusumut ungasinnerusumullu aningaasaqarnikkut kingunissat 2019-imut missingersuutinik ukiunullu missiliuteqarfiusussanut siullermeerinermit ilanngunneqassasut.

Aalajangiineq

Ilanngussat

1. Aaqqissuussaanagerup misissoqqissaarneqarnera jan. 2019
2. Aaqqissuussaanagerup misissoqqissaarneqarnera periarfissaq 5 pisortaaqatigiit siunnersuutaat
3. Ullormut sammisanik eqikkaaneq
4. Qeqqata Kommuniata aaqqissuussaanagera atuuttusoq
5. Kommuneqarfik Sermersooq aaqqissuussaanagerata ilusilersorneqarnera
6. Qeqertalik Kommune aaqqissuussaanagerata ilusilersorneqarnera
7. Kommune Kujalleq aaqqissuussaanagerata ilusilersorneqarnera
8. Avannaata Kommunia aaqqissuussaanagerata ilusilersorneqarnera

Imm. 17 Atorfinnik pingasunik inuussutissarsiutigalugu ilaqutariittut paarsisartunik pilersitsinissamut qinnuteqaat konto 41, Sisimiut

Journalnr. : 06.02.01

Tunuliaqutaq

Inuutissarsiutigalugu ilaqutariittut paarsisartunut akissarsiasannut aningaasartuutitut Sisimiuni Ilaqutariinnermut immikkoortortaq atuiffimmik peqanngilaq. Aningaasartuutitut taakkununga atuiffimmik nutaamik bogholderimi pilersitsisoqarnikuuvoq, atuiffimmullu tassunga nuutsisoqarnissaa pillugu qinnuteqartoqarpoq, taamaalilluni Ilaqutariinnermut immikkoortortaq inuutissarsiutigalugu ilaqutariittut paarsisartut atorfinnik pingasunik saqqummiisinaaniassamat.

Maleruagassatigut tunngavissat

Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq § 37 § 37. §§-it 27 imaluunniit 28 malillugit kommunip aqqissugaanik meeqqat ilaqutariinnut paarsisartunut, tassunga ilanngullugit inuussutissarsiutigalugu nalinginnaasumillu ilaqutariinnut paarsisartunut inissinneqarsimasinnaapput.

Kiisalu Ilaqutariit paarsisartut pillugit Namminersorlutik Oqartussat nalunaarutaat nr. 17, 8. novembari 2017-imeersumi § 3 kiisalu § 5 imm. 3.

§ 3. Ilaqutariit kommunip aqqissuussaani inuussutissarsiutigalugu paarsisartut tassaapput, ilaqutariit paarsisartut arlaat pinngitsoorani isumaginninnermik ilinniarsimasuusooq allatulluunniit isumaginninnermut sanillunneqarsinnaasumik misilittagaqartuusooq.

§ 5. Kommunalbestyrelsip ilaqutariinnut paarsisartunut akuersissummik tunniussaqaarnissamik aalajangiinnermini ilaqutariinnut qinnuteqartunut ilaqutariit katitigaanerit pillugu pissutsit misissuinnermi tunngavigissavaa. Kommunalbestyrelsip misissuinnermini, ilaqutariit pineqartut meeqqamik ataatsimik arlaqartunilluunniit paarsassanik tigusinissamut qanoq naleqqutsiginerat nalilissavai.

Imm. 3. Ilaqutariit inuussutissarsiutigalugu paarsisartuunissamik qinnuteqarsimappata, kommunalbestyrelsip aammattaaq nalilissavaa, angajoqqaat arlaat pinngitsoorani isumaginninnermik ilinniarsimasuunersooq allatulluunniit isumaginninnermut sanillunneqarsinnaasumik misilittagaqartuunersooq.

Maleruagassatigut tunngavissat

Qeqqata Kommunua Karseqarnermut Naatsorsuuserinnermullu malittarisassani imm. 3.3-mi allassimavoq, kommunalbestyrelsi aningaasaliinissamut oqartussaasoq.

Pissutsit atuuttut

Maani Sisimiuni inuutissarsiutigalugu ilaqutariittut paarsisartoqarnikuunngisaannarpoq, taamaattumillu taakkununga akissarsitsinissamut atuiffimmik peqarani.

Ilaqutariinnermut immikkoortortap inuutissarsiutigalugu ilaqutariittut paarsisartut atorfiit pingasut pilersikkusuppai, ilaqutariinnik paarsisartunik meeqqanik inuusuttunillu immikkut ikiorneqaarnissamik tapersorsorneqarnissamillu pisariaqartitsisunik suliaqarsinnaasunik pisariaqartitsisoqarmat.

Ilaqutariinnermut immikkoortortaq Namminersorlutik Oqartussat ulloq unnuarlu paaqqinnittarfiutaanni ataasiinnarmik inissitaateqarpoq, taakkununga innersuussanut utaqqinerup sivisuallaartarnera pissutaalluni, taamaattumik Namminersorlutik Oqartussat ulloq unnuarlu paaqqinnittarfiutai atornagit Ilaqutariinnermut immikkoortortap ulloq unnuarlu paaqqinnittarfiit namminersortut atortarpai.

Inuutissarsiutigalugu ilaqutariittut paarsisartut akissarsiassaannut aningaasartuutitut atornerqartussamik atuiffimmut nutaatut pilersinneqartumut Namminersorlutik Oqartussanut annertussusileriikkamik akiliutitut atuiffimmiit aningaasanik Ilaqutariinnermut immikkoortortaq nuutserusuppoq.

Tamatuma saniatigut inuutissarsiutigalugu ilaqutariittut paarsisartunik pilersitisoqassasoq inatsimmi piumasagaataavoq, aammalu "Qeqqata Model"-imi tamanna pillugu Qeqqata Kommunia anguniagaqarpoq, tassani ulloq unnuarlu paaqqinnittarfinnut inissiinani ilaqutariinnut paarsisartunik atuinissaq ukkatarineqarluni.

Inuutissarsiutigalugu ilaqutariittut paarsisartunngorniaraanni inunnik isumaginninnermik ilinniarsimanissaq imaluunniit ilaqutariittut paarsisartut ukiuni arlalinni misilittagaqarsimanissaq piumasagaataavoq. Atorfinititsineq PIP kattuffia suleqatigalugu pissaaq, akissarsiqaartitaaneq PIP isumaqatigiissutaa malillugu pisussaammat.

Atuiffimik pilersitsineq aningaasartaqalerpat, Ilaqutariinnermut immikkoortortaq inuutissarsiutigalugu ilaqutariittut paarsisartunik pingasunik sulisussarsiussaaq.

Aningaasaqarnikkut allaffissornikkullu kingunerisinnaasai

Atuiffik 41-04 inuussutissarsiutigalugu ilaqutariittut paarsisartut qaammammusiassa

	Qaammammusi	Aningaasartuutissat piffissami 1. juli – 31. december 2019
Inuussutissarsiutigalugu ilaqutariittut paarsisartut qaammammusiassa missiliut kr.3 x 30.000	90.000	540.000

Aningaasanik nuussinissamut siunnersuutigineqartut inernerissavaat inuussutissarsiutigalugu ilaqutariittut paarsisartut atorfiit pingasut pilersinneqarnissaat.

Atuiffik 41-mut tamakkiisumik aningaasaliisoqarnissaanik pisariaqartitsineq ima isikkoqarpoq:

Sisimiut

Atuiffik	Suunera	Aningaasali issutit	Tapiissutit/nuutsineq	Nutaamik aningaasaliineq
41-05-10-42-00	Namminersorlutik Oqartussat ulloq unnuarlu angerlarsimaffiutai	4.181	-600.000	3581.000
41-04-10-01-10 (atuiffik nutaaq)	Inuutissarsiutigalugu ilaqutariit paarsisartut Qaammammusi	0	+600.000	600.000
		4.181	0	4181

Atuilluartuunissakut kingunerisinnaasai

Ulloq unnuarlu paaqqinnittarfinnut inissiinani, meeqqat inuusuttullu angajoqqaavisa attaveqaataasalu najugaqarfigisaanni illoqarfimmi inuutissarsiutigalugu ilaqutariittut paarsisartunut inissinneqartarnissaat atuilluartuunerussaag.

Allaffeqarfiup naliliinera

Meeqqanik inuusuttunillu annertuumik sumiginnakkanik tiguisinnaasunik, inuutissarsiutigalugu ilaqutariittut paarsisartunik Ilaqutariinnermut immikkoortortaq pisariaqartitsivoq, taamaalilluni meeraq/inuusuttoq illoqarfigisaminiiginnarsinnaalluni aammalu ilaqtaminut attaveqaatiminullu qanittumik attaveqaannarsinnaalluni.

Angerlarsimaffiup avataanut inissinneqarneq meeqqamut imminermini annertuumik qaangiineruvoq, kisianni angajoqqaat akisussaaffimminnik tiguisinnaanngippata pisariaqartoq. Meeraq ineriartornermini, ingerlanermini peqqissutsikkullu navianartorsiorpat, angajoqqaallu meeqqaminnik ikiuussinnaanngippata, kommunitut meeqqamik ikiuinissamik pisussaaffeqarpugut.

Allaffeqarfiup innersuussutaa

Ilaqutariinnermut immikkoortortap Ilaqutariinnermut Isumaginninnermullu ataatsimiititaliamut innersuussutigaa

- Atorfinnik pingasunik ilaqutariittut paarsisartutut pilersitsinissaq akuereqqullugu
- atuiffimmit 41-05-10-42-00-mit atuiffimmut 41-04-10-01-10-mut 600.000 koruuninik missingersuutitigut nuutsisoqarnissaa akuersissutigineqassasoq
- Aningaasaqarnermut ataatsimiititaliamut suliassanngorlugu ingerlateqqinneqassasoq

Ilaqutariinnermut Isumaginninnermullu Ataatsimiititaliap suliamik suliarinninnera

Ataatsimiititaliap apriliip 17-iani 2019 ataatsimiinnermini innersuussutit akuersissutigivai.

Innersuussut

Ilaqutariinnermut Isumaginninnermullu Ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Atorfinnik pingasunik ilaqutariittut paarsisartutut pilersitsinissaq akuereqqullugu

-Atuiffimmit 41-05-10-42-00-mit atuiffimmut 41-04-10-01-10-mut 600.000 koruuninik missingersuutitigut nuutsisoqarnissaa akuersissutigineqassasoq

Innersuussut

Suliaq Kommunalbestyrelsimut paasissutissiissutitut saqqummiunneqarpoq.

Aalajangiineq

Ilanngussaq

1. Meeqqat inuusuttullu aammalu innarluutillit inersimasut inissitat ulloq 31. marts 2019

Imm. 18 Borgmesterip aalajangiinera - Kommunalbestyrelsimit tunuarnissamik qinnuteqaat – Malene Ingemann

Journalnr. 01.01.03

Tunuliaqutaq

Kommunalbestyrelsip 2019-imi apriliip 25-ani ataatsimiinnerani Malene Ingemann-ip nalunaarutigaa, politikikkimit tunuarniarami naggataamik kommunalbestyrelsimi ataatsimeeqataalluni. Malitsigisaanik Malene Ingemann 2019-imi apriliip 25-ani maileruteqarluni, qinigaaffiup sinnerani tunuarniuteqarluni nalunaarutigaa.

Malene Ingemann-ip tunngavilersuutigaa: Kissaatinnut tunngavilersuutigaara, pisariaqangimmat sivisunerusumik politikknissara, ukiut arfinillit matuma siorna politikkimut iserninnit anguniakkakka angusimallugit maannakkut misisigimagama, taamaattumik qinigaaffiup sinneranut ingerlariaqqinnissap allamut tunniunnissaanut piffissaq eqqortoq takkussimasoq misigisimagakku.

Malene Ingemann maajip naaneranut uninniarluni allappoq.

Maleruagassatigut tunngavigissaq

Kommunalbestyrelsinut, nunaqarfinni siulersuisunut ilaagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-meersoq.

§ 54. Ilaasorta qinigaaffiup iluani kommunalbestyrelsimit tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsip aalajangissavaa. *Imm. 2.* Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaannilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat nalinginnaasumik akuerineqassaaq.

Kommunit aquneqarnerat pillugu Inatsisartut inatsisaat nr. 29, 17. november 2017-imeersoq. (aqutsinermut inatsit)

§ 38. Piffissap qinigaaffiup ingerlanerani ataatsimiititaliami taamaaqataaniluunniit ilaasorta qunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunanga inuttalerneqassaaq.

Pissutsit atuuttut

Kommunalbestyrelsi 2017-imi qinigaaffiata aallartinneraniit Henrik Fleischer-ip sulingiffeqarallannerani Malene Ingemann kommunalbestyrelsimi ilaasortanngornikuuvoq.

Qinersinermut inatsit naapertorlugu tunuarnissamik qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaannilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, kommunalbestyrelsimit qinnuteqaat nalinginnaasumik akuerineqassaaq.

Malene Ingemann Partii Naleraq tunuliaqutaralugu qinigaavoq, taamaalillunilu aqutsinermi inatsit naapertorlugu Partii Naleqqap sinniisut allattorsimaffia naapertorlugu, sinniisussaq tulleg kommunalbestyrelsimut ilaasortanngussaaq, tassaasorlu:

Ulrik Maki Lyberth

Aningaasaqarnikkut allaffissornikkullu kingunerisinnaasai
Kinguneqaatissaqanngilaq.

Allaffeqarfiup innersuussutaa

Borgmesterimit akuereqqullugu allaffeqarfimmit innersuussutigineqarpoq:

1. Malene Ingemann 2019-imi maajip naanerani kommunalbestyrelsimit ilaasortaajunnaassasoq
2. 2019-imi juunip aallaqqaataani Ulrik Maki Lyberth, kommunalbestyrelsimi ilaasortanngussasoq

Borgmesterip aalajangiinera

Kommunalbestyrelsi sinnerlugu 30. pril 2019 borgmesteri aalajangiivoq,

-innersuussut akuersissutigalugu

Kommunalbestyrelsi tullissaanik ataatsimiileruni, aalajangiineq pillugu paasissutissinneqassaaq.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Ilanngussat

1. Malene Ingemann-ip kommunalbestyrelsimit tunuarniuteqarluni 2019-imi aprilip 25-ani mailerutaa
2. Partii Naleqqami sinniisussat allattorsimaffiat.

Imm. 19 Siulittaasut nalunaarutaat

Imm. 20 Tamalaat